

甘肅新通志卷之九十二

附金石

漢敦煌太守裴岑紀功碑

在敦煌縣舊城外關帝廟內碑石瑩潔

如玉相傳為太守出征至彼用劍尖鐫石紀功海內文人咸慕漢

隸得之珍如拱璧查漢書並無裴岑志書名宦亦未列入恐屬遺

漏其文曰維漢永和二年八月敦煌太守雲中裴岑將郡卒五千

邊境又安誠威武無二建祠以誌萬世

按近日所搨碑文維漢永和二年八月敦煌太守雲中裴岑將郡兵三千人誅呼衍王等斬馘部眾克敵全師除西河之疾蠲

四郡之害邊境又安振威到此立德祠以表萬世與舊志所載碑字如卒作兵壽作等叛作疾誠威武無二建祠以誌萬世作

振威到此立德祠以表萬世皆因字畫平淺日久模糊故於疑似之間字畫鉤摹錯誤然皆文義可通且查此碑石面不平難

甘肅新通志

卷九十二

藝文志 附金石

一

以搨墨用紙蒸溼搨上俟乾拆下鉤摹上墨頗似搨本今並錄之以備參考

武都太守李君西狹頌

在成縣即天井山磨崖碑

其文曰漢武

阿陽李君諱翕字伯都天姿明敏敦詩說禮膺祿美厚繼世郎吏幼而宿衛弱冠典城有阿鄭之化是以三剖符守致黃龍嘉禾木

連甘露之瑞動順經古先之以博愛陳之以德義示之以好惡不肅而成不嚴而治朝中惟靜威儀抑抑督郵部職不出府門政約

令行強不暴寡知不詐愚屬縣趨教無對會之事徼外來庭面縛二千餘人年穀屢登倉庫惟億百姓有蓄粟麥五錢郡西狹中道

危難阻峻緣崖俾閣兩山壁立隆崇造雲下有不測之谿阨芒促迫財容車騎進不能濟息不得駐數有顛覆賈墜之害過者創楚

惴惴其慄君踐其險若涉淵冰歎曰詩所謂如集于木如臨于谷斯其殆哉困其事則為設備今不圖之為患無已救衛官有秩李

瑾掾仇審因常繇道徒鑿燒破析刻磊確鬼滅高就埤平夷正曲柙致土石堅固廣大可以夜涉四方死雍行人懼怖民歌德惠穆

如清風乃刊斯石曰赫赫明后柔嘉維則克長克君牧守三國三國清平詠歌懿德瑞降豐稔民以貨殖威恩並降遠人賓服鑿山

浚瀆路亦安直繼禹之跡亦世賴福建甯四年六月十三日壬寅造時府丞石扶風陳倉呂國字文寶門下掾李雯字子行故

從事議曹掾下辨李旻字仲齊故從事主簿下辨李遂字子華故
從事主簿上祿石祥字元祺五官掾上祿張亢字惠叔故從事功
曹下辨姜約字元嗣故從事尉曹史武都王尼字孔光衡官有秩
下辨李瑾字璋甫從史位下辨仇靖字漢德書文下辨道長廣漢
附那任詩字幼起下辨丞
安定朝那皇甫彥字子才

五瑞圖 畫像 白鹿 畫像 黃龍 畫像 甘露降 畫承露人擊盤像

嘉禾 畫像 木連理 畫二樹上一枝相連像 君昔在蜀地修峭嶽之道德治

精通致黃龍白鹿之瑞故圖畫其像

析里橋廊閣頌 八分書仇靖撰 曰惟斯析里處漢之右谿源漂疾橫柱于道涉秋霖漉益溢口

滿濤波滂沛激揚絕道漢水逆讓稽滯商旅路當二州經用社沮
沮縣士民或給州府休謁往還恆失日晷行理咨嗟郡縣所苦斯
谿旣然廊閣尤甚緣崖鑿石處隱定柱臨深長淵三百餘丈接水
相連號為萬柱過者慄慄載乘為下常車迎布歲數千兩遭遇隕
納人物俱脩沈沒洪淵酷烈為禍自古迄今莫不創楚於是太守
漢陽阿陽李君諱翕字伯都以建甯三年二月辛巳到官思惟惠

甘肅新通志 卷九十二 藝文志 附金石 二

利有以緩濟聞此為難其日日久矣嘉念高帝之開石門元功不
朽乃俾衡官掾下辨仇審改解危殆即便求隱金石存即穩字安

也古人通用安隱析里大橋於今乃造拔致致攻堅結構工巧雖昔
魯班亦其擬象又醇散關之嶮潔從朝陽之平燧滅西濬之高閣

就安甯之石道禹導江河以靖四海經紀厥績集古錄揆諸文理則績為長疑刻時以字迹相近誤摹也艾康萬里臣蔡鴻功勒石

示後乃作頌曰上帝經臣降此惠君克明俊德允武允文躬儉尚
約化流若神愛氓如子遐邇平均精通皓穹三納符銀所愿垂勳

春風有鄰仍致瑞應豐稔季登居民欣樂行人夷欣慕君靡已乃
詠新詩曰析里之橋兮金石存即坤字諸家作川皆誤兌之間

高山崔嵬兮水流蕩蕩地既增確兮與寇為鄰隴西鼎峙兮東以
析分或失緒業兮至於困貧危如累卵兮聖朝閱憐耗艾究口兮

幼口口口分符析嶼兮迺命是君扶持救傾兮全育口遣劬勞日
稷兮惟惠勤勤黃劭朱龔兮蓋不口口拯溺亨屯兮瘡痍始起啟

門充羸兮百姓歡欣俞曰太平兮文翁復存國朝吳鵬翺備志
云按集古錄目廊閣頌不著撰人姓名隸續廊閣頌題名第二行

從史位下口口口字漢德為此頌而下字下泐闕三字今以西狹
頌題名考之乃辨仇靖也又西狹頌題名云從史位下辨仇靖字
漢德書文是揮翰遺詞皆是人也案廊閣銘西狹頌皆仇靖作更
無疑義而陝西通志謂蔡伯楷文殊無所據今不取天下碑錄分

隸偶存云郿閣頌字彷彿夏承而險怪特甚相其下筆麤鈍酷似村學堂五六歲小兒描硃所作而仔細把玩一種古樸不求討好之致自在行閒蓋磨崖則書刻俱倍難於上石耳又集古錄目云漢仇縈書此頌 朱楓雍州金石記云郿閣頌今在畧陽縣郿閣舊在棧道中頌磨崖石在橋旁今棧道已徙他處石亦磨泐縣合重刻於石頌後又有詩詩後旁書縣台申如墳重刻七字八分書其書皆模倣筆法亦略相似但集古錄作太守阿陽李君今碑稱太守漢陽阿陽李君重鐫之碑不應有誤當是集古錄脫去漢陽二字耳又集古錄作李會當是原碑磨滅又楓記稱顧炎武曰是頌有云醜散關之潮潔者楊用修以醜爲釋潮爲潮潔爲濕是也按漢置武都郡治武都即今階州地領下辨嘉陵上祿等縣後漢之武都郡治下辨界於武都隴右之閭下辨上祿俱今階州之成縣地嘉陵則今禮縣地漢武都太守李君西狹頌即天井山磨崖碑在成縣宜也李君諱翕字伯都漢陽阿陽人漢陽郡也治冀即今伏羌縣地阿陽縣也即今靜甯州地太守下有丞掾簿曹等官從史位下辨仇靖字漢德書文從史位職也仇靖下辨人其時下辨道也有長有丞此碑末一一臚列可爲詳備至析里橋郿閣頌集古錄目以爲不著撰人姓名隸續取西狹頌題名證之謂即仇靖撰書陝西通志謂是蔡伯楷文實臆說耳集古錄目又云漢仇縈書此頌今按頌中所云衡官掾下辨

甘肅新通志

卷九十二

藝文志

附金石

三

武都太守耿勳碑

在成縣五瑞圖東下臨深淵人不易即

其文曰漢

仇審者實司其役而下辨仇靖爲此頌仇縈字子長亦下辨人仇氏多才其書此頌可信也或以諸葛武侯棧道之郿閣即郿閣之訛姑不深辨第郿閣無聞而郿閣以頌傳則文字之所關重也階州續志成縣新志皆載此頌良以李君係武都太守而作頌者又下辨人故也再頌中其日日久矣下日字當是月字下半截磨泐耳豐稔季登季當是季侯再考

武都太守右扶風茂陵耿君諱勳字伯瑋其先本自鉅鹿技有令名爲漢建功俾侯三國卿守將帥爵位相承以迄丐君君敦詩說禮家仍典軍壓難和戎武慮慷慨目得奉貢上計廷陳惠康安遏之謀上納其謀拜節上黨府丞掌令考績有成苻英乃胙熹平二年三月癸酉到官奉宣詔書哀閔垂恩猛不殘義寬不宥姦喜不縱慝威不戮仁賞恭罰否畀與六此洪字闕今僅辨下半如此流其於統系寵存贈亡篤出至也歲在癸丑厥運淫雨傷害稼穡率土普議開倉振澹身冒炎赫火星出熱至屬縣逃行窮匱陟降山台經營跋涉草止露宿扶活食餐千有餘人出奉錢市口口作衣賜給貧乏發荒田耕種賦與寡獨王佳小男楊孝等三百餘戶減省貪吏二百八十人勸勉趁時百姓樂業者得終其壽幼者得以全育甘棠中歲不是過矣又開故道銅官鑄作錢器與利無極

外羌且口等怖威悔惡重譚乞降修治狹道分子効力口如嬰得
眾兆出歡心可謂印出磐神明者已夫美政不紀人無述焉國人
僉歎刊勒斯石表示無窮其辭曰泰華惟岳神曜吐精育茲合德
既詰且明寔謂耿君天胙顯榮司牧莅政布化惟成柔嘉惟則穆
如清風勤恤民隱振扼扶傾匪皇啟處東撫西征赤子遺慈日活
呂生山靈挺寶旬灾乃平愷悌父母民賴以甯熹平三年四月廿
日壬戌西部道橋
掾下辨李壘造

晉索靖碑 在敦煌縣鄉賢祠內斷石二塊刻置年月無考中間字
迹顯明文義猶堪摹會文人遊敦者皆覓工搨墨與裴太守碑悉
珍重藏之

北周建崇寺碑 在秦安縣城南十里之鄭家川碑高三尺餘寬二
尺餘上截皆鑿佛像下截鐫以文額題建崇寺碑陰彙載其家世
存亡及官爵名字末綴親黨二人字跡均完好

甘肅新通志

卷九十二

藝文志

附金石

四

國朝光緒戊子三月初六日鄭家川山頽居人由土掘出移置村廟今

尙存其爲北周物無疑碑文錄左

惟建德三年歲次甲午二月壬辰朔二十八日己未佛弟子本

姓呂蒙太祖賜姓宇文建崇夫靈像神容遺形異品毘倫讚道敷
五狃之陶化顯揚設教斯疇百代聚沙起塔欲崇墟之妙旨崇國
實業淺又息別將法和爲國展効募衝戎首從柱國鈺國公益州
征討因陣身故是削竭家珍興造福刊造浮圖三十級石銘壹立
師子一隻輒於冥積採取將來之因身骸分流欲追之懷寓於一
念之善又願帝祀永隆萬國來助普濟一切曠劫師宗六道眾生

同登斯福

碑陰

亡祖秦州都酋長呂帛驃騎大將軍南道大行臺秦州刺

史顯親縣開國伯亡伯興成伯母帶神 龍驤將軍都督湖州刺
史亡父興進亡母元要亡母男娥亡母僧姿 亡叔法成叔雙進

兄天儒弟道伯 亡姊李姿姊男姿妹伯男 輔國將軍中散都
督開國子宇文建崇建光容息女含徽亥子明月崇息雍周法達

孫洪濟息妻王花姪季和 輔國將軍中散都督宇文嵩弟進周
姪子孝子慎子恭保和達和善和 伯母王阿松佐阿男兄妻

件思妙弟妻王還輝 姪女仙輝小輝弟女弟婦權思妙
佛弟子權法超 佛弟子王堪書 佛弟子權仕賓

按呂氏周書無傳其祖帛爲秦州都酋長則氏也漢文帝初呂文和自沛徙秦世爲略陽酋豪傳至婆樓羽翼苻堅官至太尉子光生有異瑞僭位爲後涼僞諡武皇帝廟號太祖傳二世國滅然其族黨之在略陽者眾矣綿綿延延至後周太祖賜姓字文仍爲都酋長蒙顯秩則呂氏之澤長矣秦安古略陽地此碑出縣城南川呂氏之世爲略陽人益信而論者疑之謂建德三年正月周武帝下詔普毀天下佛寺勒令僧尼還俗呂建崇以賜姓大臣竟敢於二月內營造塔廟佛像顯違詔旨一可疑也查綱目周禁佛道二教經像悉毀沙門道士並還俗淫祠非祀典所載者悉除之詔旨是在是年五月建崇寺成於二月不得以違旨論論者改易其月故逞舌鋒殊不可解又謂後周卽顯親縣故地置成紀縣並未另置顯親也而建崇伯父興成封顯親縣開國伯二可疑也查前代封贈或以郡望或以里居且有並不在此數者李氏隴西王氏太原趙氏天水崔氏河東之類此以郡望封也以里居如權德輿天水略陽人而封成紀伯則舉其初言之也建崇之亡伯封顯親伯亦猶是耳此疑之無可疑者也至謂以賜姓大臣削竭家珍營造梵宇當時庾信王褒之徒皆在朝何以不譏碑文垂諸不朽並請一善書者勒之碑而文義書法均甚猥陋三可疑也此尤迂闊之談不切事情講求文字此必風雅中人始然且必與名士素有交誼方可去求譏

甘肅新通志

卷九十二

藝文志 附金石

五

文呂建崇家世氏酋武夫耳平時與諸名士有無交誼尙不得知而謂可貿然從事乎且彼因其子戰死立寺以資冥福注意在佛像文字工拙恐非所計也所稱姚國公史冊無考一節無論當時史職有關卽歷代盛時人臣事業封贈能盡入史乎其軼事往往別見此碑出而建崇之名傳則當日之削竭家珍爲不負矣又何疑焉

石佛鎮石佛像背鐫字

在秦州北鄉文殘闕無首尾其可辨者

使持節撫軍將軍大都督權使持節車騎大將軍儀同三司大都

督

缺

州刺史秦州大中正景州主簿都督子景姪景以及父母誓

薩約三十餘字考秦州大中正之載於正史者在元魏則李韶李

彥辛雄在後周則權景宣景宣顯親人於地爲近此刻有一權字

三景字得毋佛像卽後周時權氏之所鐫歟錄以備考

麥積崖佛龕銘

在秦州後周庾信撰文相傳舊碑在山頂洞中

字亦所書今其處峭石堵塞人不能至寺中碑則明嘉靖甲子隴

右道馮納所鑄文見祠祀志寺觀門

上柱國宿國公河州都督普屯威神道碑 在狄道庾信撰文曰公諱

威字某河南洛陽人也舊姓辛隴西人基若水之源纂商邱之胄
邑於大亳實定其居封於小辛乃成其姓是以三川披髮辛有得
見事之機八卦占爻辛廖有知人之鑒佐治以東都上將魏帝解
衣武賢以西國功臣漢王推轂祖大汗渭州刺史考生河州四面
總管大都督隴右貴臣河西鼎族公侯踵武岳牧連鑣並得聲振
長榆名雄高柳公秉靈山岳誕載星辰結髮嶷然韶年成德澄波
萬頃建標千仞鋒穎既高光芒已遠青衿學劍既為人主所稱童
子論兵即佐中軍之策永熙元年入仕蒙授直蕩都督太祖文皇
帝雪舊君之恥建西伯之功始裂鴻溝初登函谷公濯衣沐髮仗
劍轅門撒洗足而相迎下賓階而顧問自此即居帳內仍為直寢
授甯遠將軍羽林監白土縣開國伯邑五百戶大統元年從迎大
駕進爵為侯增邑三百戶加冠軍將軍散騎常侍轉大都督公善
於用兵長於撫御自攻洛陽定宏農戰河橋平沙苑冒刃衝鋒前
無橫陣况以弦挽六鈞函犀七屬門多懸冑射必中鞍山積器械

甘肅新通志

卷九十二

藝文志 附金石

六

谷量牛馬軍吏計功司勳賞策授使持節銀青光祿大夫進爵為
公增邑八百戶昔者受律赤符韓信當平千里治兵白帝張飛擬
於萬人比跡今日公之謂也五年授使持節都督揚州諸軍事揚
州刺史浮於江海達於淮泗篠簜既敷瑤琨即序十三年授車騎
大將軍儀同三司尋遷驃騎大將軍開府仍賜姓普屯即為官族
入陪武帳出總戎韜置府於陽關張旃於瀚海故得上書於漢即
用同宗爭長於周還無異姓十六年受鄜州諸軍事鄜州刺史公
頻領兩牧風政神明虎去西河梟移東郡河湄瑞氣特表廉平鄜
祀神光偏明正直及乎魏終天祿周受維新明命已遷彝倫或革
周元年改授大將軍袍罕郡開國公增邑一千戶軍中受詔非論
北伐之兵大將登壇無待東歸之策置陣太平開陰晉之道連兵
廣武納滎陽之城校戰丹山移營白壁莫不勇冠三軍名凌五將
保定四年授甯州總管掌其北門既為鄭國所委捍其西鄙無懼
秦亭之逼是以築平綱之城衛人拱手成榮波之澤梁氏寒心朝
廷與公有內外之親令公從戚里之貴乃以魏文帝女為公夫人
遂得長門之左別開公主之園濯龍之傍更築王姬之舍五年被
徵入京拜少司馬期於司武以公為魏絳佐於軍中以公為荀首
豈直謂之鶉火稱之縉雲而已哉其年被使領兵出西涼州奉迎
突厥皇后紀裂繻來卿為君逆稱族而行尊君命也天和元年授
柱國拜大司寇楚之柱國方之南火軒之司寇譬以西雲總授於

公能官人也建德三年授少傅四年授甯州總管都督七州諸軍事卽爲河州大中正公之桑梓本於此地再爲連率頻仍衣錦襄城龍種更反池臺桂陽仙人還歸鄉里故老親賓酣歌相慶安車駟馬天下榮之宣政元年授上柱國更加少傅配於上相卽陪元扈之國居於京師實有圮橋之策改封宿國公食邑並前五千五百戶射鴻舊圃舞鶴餘城旣浮酸棗之河聊對淇園之竹來朝建章則天子降席出遊戚里則羣公下階是以行滿天地名聞四海方當光輔五君參謀七政天厲弗戒薨於所居春秋六十有九柳莊告殯傾社稷之臣鄭僑云亡得諸侯之禮詔贈某官諡某公禮也以今開皇元年七月某日反葬於河州金城郡之苑川鄉山行隴底地入塞源望積石以緣河臨崆峒而下坂元甲黃腸崎嶇亭障及云奠徹方勞榆沉若夫樹反壤也封夏屋焉終須潁川之碑乃見華陰之碣世子儀同永達孝性有聞居喪得禮嗟海變而田成懼山飛而地絕勒石墓田仍銘云爾少典之孫元王之子虹貫於月金承於水降及於周公侯復始風俗氣候山川表裏河連積石山帶崆峒秦亭北上漢使西通金行氣壯地勢人雄稜稜高節凜凜殊風祖考藩屏濁河清渭兩地謨明雙流光賁水無別色雲無異氣爲吏爲民惟懷惟畏公之嗣世實秉英靈降神中嶽迴文列星鸞翔鳳顧珠角山庭臣深義本子極天經洛城戰陣河橋旗鼓簫飲石梁劍然銅柱並麗六廩俱抽雙虎玉門開郡陽關置府

甘肅新通志

卷九十二

藝文志 附金石

七

再爲上臺兩爲少傅模範帝師經綸國步允襲峻德欽明審諭不吝車茵誰言温樹天道茫昧年齡倏忽上將星闕功臣鼎沒九原陵阜三河甲卒地險龜林營危馬窟西川永別北關長辭山張虛蓋野祭空帷陵原地迴松路風悲鐫於碣石勒以貞龜

按善屯威本狄道人自其祖父寄居於亳史傳無返葬之語故人物載於舊籍而採庾開府之碑文以著威之葬所也苑川乞伏氏所都屬金城郡北周時錯壤在狄又建德四年有將軍賀婁慈亦歸葬於苑川

隋王氏墓銘 在清水縣東三十里車道溝五代時渭州刺史張崇

妻爲盜所迫不屈而死家人葬之後僞蜀王承檢築防番城至上

邽山下獲一瓦棺棺內無骸骨止有二蠅振然飛去中存一舌肉

色紅潤堅如鐵石側有小石篆刻曰

大隋開皇二年渭州刺史張崇妻王氏年二十五適崇三

年而妊爲盜所陷持節而逝銘曰車道之北邽山之陽深深葬玉鬱鬱埋岡刻斯堅石煥乎遺芳地變陵谷險裂城隍乾德丙年壞

者合郎

按丙午年爲偽蜀乾德丙子年合即乃承檢小字也因遷於車道之北見秦州藝文志

伏生墓誌銘 在秦州卦臺山伏羲廟內碑長尺許

國朝咸豐十一年土人掘地得之上有大業六年字

文曰伏生字大寶天水人也左銀青

光祿大夫齊州刺史王猛之孫惠性肅肅神量鏘鏘耿耿有伯起之風凝凝守道安之器始觀通理靈渙變其本情幼述元門動志嘗於尚德藏心靜地愛道留詩知命遷神林呈異瑞缺時年二十一終於白鹿山崖之側銘曰缺帶苗賢崇隆裳缺子皎皎盛文惠力欲起志氣消散仁風息已馳神白鹿寄骸仙里

唐畫閣堂石刻 在慶陽府城南高祖爲宏化留守時建有太宗御

書石刻

無名氏姜安公墓誌銘 在清水縣按秦州新志謂康熙丁酉州

人楊祖清得誌石於牧豎之手文字完好而瑩兆已不可蹤迹矣

甘肅新通志

卷九十二

藝文志 附金石

八

因爲之卜地於淮河峪官道旁葬其誌而起冢立碣焉此文其當時所錄者惜不著其名然確是初唐手筆清水志謂虞世南撰亦

擬議之辭耳今爲備載

公諱謩字孝忠秦州上邽人也江水導其源流秦嶽標其峻極開封疆於四履轉征

伐於五侯允祚丕承英賢和嗣詳諸舊史可略於言曾祖圖遠韻高情松貞桂馥祖正魏南秦州刺史冠軍縣公父景武康汶洮四

州刺史廿四開府梁岷二州總管賜姓宇文氏逮忠莊公並車旗文物尊寵於當世風烈徽猷照燭於圖篆公門承世祿家藉慶餘

清明在躬珪璋自潤造次必於仁孝顛沛必於忠厚學宗邱墳貫幽蹟之宏致行苞文質履中庸之至道詞華綺縠術妙韜鈴迴瀾

萬頃崇墉百仞起家左侍上士隋文受禪授秦王右府司兵遷長史東閣祭酒除博州清平縣令四民仰化三欺自屏抑揚卓魯斟

酌韋弦病免久之除并州晉陽縣長仍屬隋政不綱生靈塗炭羣后有瞻烏之望天下成逐鹿之情太上皇愍民橫流大庇交喪電

照雷息濡足援手公投袂麾下贊揚興運謀若轉規辭同河瀉卽授正議大夫大將軍府功曹參軍事尋授右光祿大夫又進位左

光祿大夫仍授委蒲津監度兵馬京城清定遷光祿大夫轉相國府賓曹參軍事公以嘉祥紹至鐘石變音請從神宗之典屢上繁

昌之奏以功封長道縣開國公食邑一千戶爲隴右道安撫大使
儀奉別旨被返還京授員外散騎常侍河東道招撫大使公綏安
初附獎勵邊城窮民既知所歸鄰境於焉日蹙暨于妖孽咸蕩文
軌大同懷佐時之畧當惟良之寄拜持節秦州諸軍事秦州刺史
轉隴州刺史公遷惟望境建旗求瘼敦崇學校勸勉農桑追善政
於前良革澆風於薄俗突厥來寇授公左七總管尋而犬羊奔北
有詔返公入朝惟帝念功方申後命輔仁多昧福善則虛枕疾彌
留祈禱罔應藏舟不遠川逝不歸百年之壽未窮千月之期溘盡
以貞觀元年八月六日薨於京第春秋七十主人弔祭諡曰安公
禮也夫人同郡趙氏封廬江郡君昆陽公懿之女也爰以盛門作
續公族禮均秦晉和猶琴瑟母師之德空留於昭範借老之期俄
歸於同穴以四年八月十三日薨於京第春秋六十粵以六年十
月十日合葬於秦州東南宕池谷乃爲銘曰惟公命世含章挺生
壇宇高整鑑燭融明平臺碣館曳組飛纓化行兩邑實垂德聲巖
巖極天泱泱表海英靈可嗣慶祉攸在文武相襲隨和競彩爰逮
蕙公鬱爲時宰炎精落鈕黃神應錄大壑縱鱗高衢躡足分符乘
傳懷金鳴玉隙駟不留小年俄促亦有貞淑嬪容迴暎志性柔良
風儀韶令絲泉兼美眞草惟命兩劍終同孤鸞絕鏡言念返葬塗
遵舊鄉丹書委鬱哀挽淒鏘泉局一
閔元夜何長悲涼神道松檟成行

甘肅新通志

卷九十二

藝文志

附金石

九

按清水志姜寶誼姜萼合贊云唐高祖起晉陽時二公並攀龍
附鳳寶誼與裴寂拒宋金剛戰汾州兵合寂棄軍走寶誼死事
協雖能繼其家聲而後裔微矣萼獨以功名終子確爲金城郡
公孫柔遠爲左鷹揚衛將軍曾孫皎爲殿中少監晦爲吏部侍
郎其後慶初尙新平公主生子粵爲帝外孫早貴幸簪纓累世
不絕豈非有天幸耶今其墓誌復於千餘年後忽爾出土若爲
後世作傳者備採
錄焉抑更奇矣

嘉福寺木塔鐵頂

在省城內西北隅貞觀九年高昌王建按木

塔鐵頂高五尺上鑄貞觀年號共九字考通鑑貞觀四年高昌王

麴文泰入朝蓋朝回過蘭州時所建也同治十三年塔燬於火頂

墮地碎今無存

姜行本紀功碑

在安西州祁連山頂碑額正書大唐左屯衛行

軍姜行本勒石紀文碑上銜書交河道行軍總管右參衛將軍上

桂國以下缺派吳仁領右軍十五萬交河道行軍總管左衛將軍

上柱國既缺縣開國公牛進缺領兵十五萬碑未書大唐貞觀十

四年歲次庚子六月丁卯朔二十五日辛卯瓜州司法參軍河內

司馬缺

國朝雍正十一年大將軍查郎阿命員外郎阿炳安修盤道數十折衛

以欄楯下臨巴爾庫勒淖爾卽蒲類海於山之巔得此唐碑長可

八尺其形方四面有字字多殘缺猶可讀文曰昔匈奴未滅寶將

清馬伏波樹銅柱之績然則振英風於絕域申壯節於殊方缺騰

飲於千秋播芳猷於萬古者矣大唐德合二儀道高五帝握金鏡

以朝萬國調玉燭以馭兆民濟濟衣冠煌煌禮樂車書順軌扶桑

之表皆同治化所沾濛汜之鄉咸暨苑天山而池瀚海開北戶以

靜幽都莫不解辮髮於藁街改左社於夷邸高昌國者漢屯田之

舊壁遺兵之所居麴文泰卽其酋豪也往因晉室多難羣雄競馳

節光祿大夫吏部尚書陳國公侯君集交河道行軍大總管左屯

衛大將軍上柱國永安郡開國公薛萬均副總管左屯衛將軍上

柱國通川縣開國男姜行本等爰整三軍張行天討但妖氛未殄

將軍逞七縱之威百雉作圍英奇申九攻之略以通川公深謀開

出妙思縱橫命前軍營造攻具乃統沙州刺史上柱國望都縣開

國侯劉德敏右監門中郎將上柱國淮安縣開國公衛智錫左屯

衛中郎將上柱國富陽縣開國伯屈昉左武侯郎將李海岸前開

州刺史時德衡右監門府長王進威等並率驍雄鼓行而進以貞
觀十四年五月十日師次伊吾時羅漫山北登里缺所未盈旬月
克成奇功伐木則山林殫盡叱咤則川谷蕩薄衝梯蹙缺百櫓冰
缺機櫓一發千石雲飛墨翟之術無施公輸之妙詎比大總管運
籌帷幄繼以中軍鐵騎互原野金鼓動天地高旗蔽日月長戟肆
缺雲自秦漢出師以來未有如斯之盛也班定遠之通西域故迹
罕存鄭都護之滅車師空聞前史雄圖世著彼獨何人乃勒石紀
功傳諸不朽其詞曰於赫大唐受天明命化齊得所功無與競
荒服猶阻夷君不定乃拜將軍殄茲梟鏡其一六奇動思羣雄逞
力陣門龍缺營缺麗星光旗明日色揚旌塞表振威西極其二峨

甘肅新通志

卷九十二

藝文志 附金石

峨峻嶺渺平原寒雲冥結胡風晝昏長征缺高樹缺銘功讚德以下缺

雲光山普華寺鐘 在秦州南鐘上記云唐太宗建寺養僧兵處

佛頂尊勝陀羅泥經石幢 在秦州南郭寺中幢凡三層載為

先考妣及亡過眷屬於墓所敬立陀羅泥經幢乾口口年五月一

日立其左曰檢校司徒領衛大將軍同正兼御史大夫上柱國扶

風縣開國男食邑三百戶馬敬口秦州管內都營田糧料使光祿

大夫檢校司徒使持節商州口口兼御史大夫上柱國扶風縣開

國男食邑三百戶馬敬璋金紫光祿大夫檢校兵部尚書左監門

衛將軍同正兼御史大夫上柱國馬敬瑋

按經幢之立為資冥福亦當時佞佛之風使然考立幢年號乾字下缺二字五代暨隋無以乾字為號者惟唐高宗十四號中

甘肅新通志

卷九十二

藝文志 附金石

十二

有乾封二字其人於正史無傳然詳其官爵則必為唐高宗時所建而非肅宗之乾元與僖宗之乾符矣

老鴉峽古石刻 在碾伯縣東六十里峽內有大石平面下臨湟

水上倚官道石面字甚多為開元時所鐫但細小模糊多不能辨

開元分界碑 在西甯縣赤嶺西開元中許吐谷渾互市信安王

禕張守珪定分界於赤嶺之西因建碑焉年已久遠風雨剝蝕字

迹漶漫官爵書人俱不可辨

汾陽王郭子儀墓碑 明一統志在合水縣東南一百二十里有

碑係子儀十一世孫訥刻並置鐵券於墓上

觀音像碑 在成縣西十五里廣化寺中即漢馬融絳帳故址像

為吳道子所畫今碑斷為兩截中傷其手

以下缺目於地下矣今天子誕敷文教茂育羣生戢兵和親北狄
右衽然而軍志有受降如敵大易有安不忘危崇墉言言其可弛
耶宜鎮以元老授之廟算俾述舊職而恢遺功外勤撫綏內謀經
略使其來不敢仰視去不敢返觀永讐猛氣無生禍心聳威馴恩
翕息荒外安國萬代術何加焉敢勒銘城隅庶復隍而光烈不昧
銘曰韓侯受命志在朔易北方之強制以全策互漢橫塞揭茲雄
壁如三闕龍躍出大澤並分襟帶各閉風雷俯視陰山仰看昭回
一夫登陴萬里洞開日晏秋盡纖塵不來時維韓侯方運神妙觀
釁則動乃誅乃弔廓乎窮荒盡日所照天平未贊不策清廟我聖
耀德罷局北門優而柔之用息元元曷若完守推亡固存于襄于
夷永裕
後昆

西平王李公晟碑 在洮州裴度撰文

文見碑記門

哥舒翰紀功碑

在狄道州北極觀內碑高二丈闊六尺厚如闊

之半首刻獸物趺列人形文皆隸書可辨者僅丙戌哥舒四字餘
漫滅不可讀碑後僅存九十餘字今其四字又復剝落矣

甘肅新通志

卷九十一

藝文志

附金石

四

國朝知州田自福建亭覆之因名唐碑亭州人吳鎮集剝字爲唐雅六

章碑書八分甚古容城王耐谷證以所藏帖以爲明皇御筆

狄道令秦

濟爲之歌曰北極觀中有古碑碑首蜿蜒盤蛟螭趺列人形存疑
似峭削眞同鬼斧剝兵火屢經迷歲月石痕剝落多殘缺掃卻苔
蘚仔細看尙餘幾字歎奇絕鐵畫銀鉤迴通神古瘦離離似八分
漢代蔡邕唐共和未知作者屬何人傳聞作碑乃李晟平定西羌
稱天生或言哥舒窺牧馬此石擬等燕然銘噫嘻此語豈誠然排
徊不去更流連上下拂拭光零亂老樹盤曲生雲煙君不見嶧山
突兀石一片李斯小篆世稱善又不見曹娥江畔斷碣存伯喈摩
挲贊黃絹予觀此石古難同嗟峨高聳傲崆峒安得移之荒署裏
朝夕相對慰孤衷 吳鎮題曰李唐重防秋哥舒控隴右浩氣扶
西傾英明壯北斗帶刀夜夜行牧馬潛遁走至今西陲人歌詠遍
童叟漁陽烽火來關門竟不守惜哉百戰雄權相坐掣肘生平視
祿山不值一雞狗伏地呼聖人茲顏一何厚毋乃賊妄傳借以威
其醜不然效李陵屈身爲圖後英雄多苦心天道遘陽九終焉死
偃師撫膺心當剖轟轟大道碑湛湛邊城酒長劍倚崆峒永與乾

久坤

按舊府志云故老相傳此碑乃唐李晟平定羌戎於此建碑書乃哥舒翰也但翰破羌於天寶之時而晟至德宗時功名始顯豈有晟立碑而翰書之理乎舊志錯誤不可不辨

唐朝斷碑 在廢瓜州苦峪廢城東半里大寺遺基內此寺牆址稍存中間大塔一座基高丈餘塔高數丈前有小塔五座亦尚高三四丈土中尋得半截斷碑字畫不甚剝落一面通肖唐體雖末為唐人之極佳者而斷非唐後之書因首尾殘缺僅存中段文義不能聯貫而總係大中時復河湟張義潮歸唐授爵大興屯墾水利疏通荷鍤如雲萬億京坻稱功頌德等語其一面字體流入五代宋初文意與前大略相仿似頌曹義金之語夫張曹二公本治沙州而瓜州亦其兼統此處總係瓜州地方但當日此處地名碑

甘肅新通志

卷九十二

藝文志

附金石

十五

文缺落無考

唐宗子隴西李氏再修功德碑記 在敦煌縣城東南四十里俗號千佛洞洞南北俱深溝草木森茂東傍黑水餘波出山漸流入沙其水頓沒西傍陡崖高二十餘丈大小各洞層疊鱗列計三百四十二座洞內牆壁畫像奚翅萬千山口無名破洞尚以百數其間飛橋天梯足音罕到惟山半寺內古殿巍峩上有睡佛塑像不知建自何年兩壁金碧輝煌綉采耀目洞內豎大碑碑額篆書十二字曰唐宗子隴西李氏再修功德記碑文首一行漫滅自第二

行至第二十六行雖有剝落猶可讀

其文曰缺歸唐缺右散騎常侍英髦驥缺皆缺稽古微言

留心儒素或登華第更高投幟之名又戰缺堂每中甲科之前雖云流陝居戎而不墜弓裘缺猶次將軍之列子既承恩鳳關艾乃

擢處紹蟬朱門不愧於五侯樹戟崇隆於貴族至其源分特秀門
繼晉祿家承九錫之枝流派祥雲之缺時遭西陸泪餘至德年中
十郡土崩殄絕玉關之路凡二甲子運偶大中之初中興啟運是
金星耀芒之歲皇化溥洽通乎八紘遐占雪山綿邈萬里府君春
秋纔方弱冠缺文藝卓犖進止規常迥然獨秀時則妻父河西隴
右一十一州節度管內觀察處置押蕃落營田度支等使金紫光
祿大夫特進食邑二千戶實封三百戶賜紫金魚袋缺南陽張公
諱義潮慕公之高望藉公之文武於是乃為秦晉遂申伉儷之儀
將奉承祧世祚潘楊之美公其時也始蒙表薦因依獻捷親拜彤
廷宣宗臨軒缺所以公具家牒面奏玉階上亦冲融破顏羣公愕
視乃從別敕授涼州司馬檢校國子祭酒兼御史中丞賜金魚袋
錫金銀寶貝詔命陪臣乃歸戎幕缺餘載河右麾戈拔幟扶囊龍
韜盡展克復神烏而一戎衣殄勅寇於河蘭馘獯戎於瀚海加以
隴頭霧卷金河湍湍瀨之波蒲海臬鯨流沙弛列烽之患復天缺
孫致唐堯之壽域晏如也缺百城無拜井之虞十郡豐登吏士賀
來蘇之政此乃三槐神異百辟稀功英雄半千名流萬古公又累
蒙朝獎恩渥日深方缺用堅磐石勳猷未缺俄已云亡享齡五十
有二終於敦煌之私第亡叔僧妙弁在蕃以行高才峻遠邇瞻依
名達戎王贊普追召特留在內兼假監壇供奉缺擅持談柄海辯
吞流恩洽敦煌缺高僧寶月收以為傳僧叡餘蹤扇於河隴亡妣

甘肅新通志

卷九十二

藝文志 附金石

六

汜氏太夫人龍沙鼎鼐盛族孤標庭訓而保子謀孫軌範而清資
不缺承家建業薦累代而揚名閭閻聯綿長緒帝王之室今乃逝
矣佳譽存焉故府君贈右散騎常侍生前遇三邊無警四人有暇
於東皇命駕傾誠謁先人缺利迴顧粉壁念疇昔之遺蹤瞻禮玉
毫歎紅樓之半側豈使林風透闥埃塵寶座之前峴嶺陽烏曝露
茶甌之所燈道之南復有當家三窟今亦重修巨金華石缺籍存
焉於是乃募良工訪其杞梓買材運斧百堵俄成魯國班輸親臨
勝境雲霞大豁寶砌崇墉未及星環斯構矗立雕檐化出魏甍不
讓於龍宮缺軒繞缺於日際其功大矣筆何宣哉亡兄河西節度
憲節兼監察御史明達天與孤貞松筠比節懷文挾武有張賓之
策謀破虜擒奸每得玉堂之術會朝絳闕敷缺金鑿指畫山川盡
縱橫於天險兄明德任沙州錄事參軍操持吏理六曹無阿黨之
言深遊四知切慕乘缺之詠兄明詮敦煌處士今古滿懷洒落脚
雲之缺先效義光騰喬露之文五柳間居慕道適於莊老夫人南
陽郡右張氏即河西萬戶侯太保張公第十四女溫和雅暢淑德
令聞深遵陶母之仁至切齊眉之操先君歸覲不得同赴於京華
外族流連各分飛於南北於是兄亡弟喪社稷傾淪假手託孤幾
辛勤於苟免所賴太保神靈缺恩勦斃重光嗣子再整缺雖手創
大功而心全奔致見機取勝不以為懷乃義立姪男秉持旄鉞總
兵戎於舊府樹勳績於新墀內外肅清缺豪屏跡慶豐山湧呈瑞

色於朱軒陳霸動容缺壯室四方嚮義信結鄰羌運籌不愧於梓
種貞烈豈慙於世婦間生神異成太保之徽猷雖處閨門實謂丈
夫之女然栖心悟道併棄樊籠巡禮僊巖願圖缺於時頓捨青毫
市紫金於上國解瓔珞棄珠珍銷金鈿於廊廡運虛橐於庭際乃
得玉毫朗耀光衝有頂之峰寶相發輝直抵大羅之所長男使持
節沙州刺史兼節度副使檢校右散騎常侍御史大夫上柱國宏
原輔唐憂國政立祥風忠孝頗懇于君親禮讓靡忘於伯玉六條
布化千里隨車人歌來暮缺紹龔黃之績次男使持節瓜州刺史
墨離軍押蕃落等使兼御史大夫宏定文武全材英雄賈勇晉昌
要險能布頗牧之威巨缺野大荒屏邊匈奴之迹缺士卒泯燧不
愧於襄陽都河自注神知有道之君積貯萬箱東都著雕金之好
次男使持節甘州刺史兼御史中丞上柱國宏諫飛馳拔拒唯慶
息而缺穿傷非由基而莫比泊分符於張掖政恤孤布皇化於
專城懸魚發詠次男朝議郎前守左神武君長史兼侍御史宏益
三端俱備缺精通工書有缺札連芳於射戟缺特達文雅而德種
玉音於時豐年大稔星使西臨親抵敦煌頓宣聖旨內常侍缺玉
裕缺克珣副缺師大夫稱齊缺大夫缺忠借密杞材遐耀天威呈
祥塞表因鑿樂石其紀太平余所不缺然狂簡缺年歲在甲寅十
月庚申朔五日甲子

甘肅新通志

卷九十一

藝文志 附金石

七

按右碑至狂簡字其文已完後特記年月攷甲寅歲昭宗乾甯
元年也後尚有二行俱剝落隱隱見官號字較密於前然多不
可識矣此碑所謂涼州司馬檢校國子祭酒兼御史中丞者姓
李氏唐之宗族名闕不可考其妻父則唐歸義軍節度使張義
潮也考唐史義潮降唐在宣宗大中五年發兵略定河西十郡
令其兄義澤奉圖籍以獻宣宗因於沙州置歸義軍以義潮為
節度使鎮之咸通四年克復涼州八年朝京師文中敘李君戰
功雖涉鋪張然大約從義潮與有勞績者至再修功德味其文
義蓋李氏之先曾於千佛巖建有寺宇李君之父贈右散騎常
侍者重為整理後李君之妻義潮女南陽郡君又於巖窟繪畫
佛像故云再修因作此記備載李氏三世官闕政事及修寺樓
概刻石置洞中今寺已久湮而圖畫極工以不見風日金碧粉
墨之色不變與此碑同為塞外舊觀也又
國朝光緒二十九年崖半壁間忽裂出小洞一窟內藏番漢經典
數萬卷小銅佛百餘紗絹另繪千手千眼佛像或張挂壁間或
堆積石上旁懸寶幡甚多有石碑刻云唐大中五年五月二十
一日敕賜釋門河西都僧統攝沙州僧法律三學教主洪誓入
朝詔書並使沙州釋門義學都法司悟真等字樣每逢四月八
日戶民為浴佛之會香火極盛舊志載千佛
洞即昔雷音寺未詳顛末登之以備攷查

唐公廟碑 在成縣鳳凰山唐高祖之祖名虎成紀人爲後周柱國進封唐公高祖得天下隴州刺史請立廟土人但目爲唐公云廟內有唐天復中知州李彥琛脩理閣碑判官韋汶撰見名勝志石刻仙筆 在正甯縣西郭內有石刻雲房二字下注鍾離書似此筆烏兔二字下注李拐仙書漢柏二字下注王羲之書事雖荒渺而字跡天矯不羣

宋顯聖廟碑 在正甯縣東六十里其黑如漆其光如油係太平興國二年翰林學士扈蒙奉敕撰文朝請大夫何瀚奉敕書碑文采博茂書法得王右軍神致別碑多蝕風雨獨此完整如新疑有神

物呵護

文曰聖人之撫運也必有冥符元識以表乎天命應龍之爲神也必能幽贊陰騭以輔其帝業是以堯之興也洪河

甘肅新通志

卷九十一

藝文志 附金石

六

有星飛之瑞漢之起也素靈有夜哭之徵千載相望其揆一也今皇帝應口人之寶錄稟上聖之英風操斗極而把鉤陳更張乾象表東溟而界西域大啟人寰日月爲之貞明河洛以之開奧鼓雷霆而驅號令則化無不周法星斗以煥文明則俗皆丕變夷夏蠻貊罔不來庭山川鬼神由茲受職以至風調雨塊盡契於宸心南畝東臯咸歌於帝力頌聲旣作祀事維寅舊章以之皆舉况其新典者乎無文尙或咸秩况其有謂者乎甯州要冊湫者因原隰以立名壅澄渟而宅粹徵諸舊俗罔知疏鑿之因視厥洪源但毓靈長之德其地蓋水府之別館其神卽天帝之右弼故能蓄洩雷雨含吐陰陽德施於人功被於物者也觀夫涯岸周鞏雖不逾於百雉滄淵中遠若盡涵乎四溟縱使瞿塘之水崇朝而注浪終不能而一綫之流匯於湫澁豈霖潦之能淺深哉又使鄧林之木因風而振槁亦不能使一葉之微浮於湫面豈蘋藻之能點翳哉其靈驗有如此者是以有唐三百年間或京師憫雨或甸服告災則必命王人乘驛騎持錦繖挈銀瓶挹其靈液歸於內殿天子乃潔誠精禱爲民請福未嘗不甘澤應時而降旱苗刻日而滋繇是特建靈祠允膺常祀當僖宗乾符紀曆之三歲始封應聖侯及昭宗光化建號之二載進封普濟王皆所以答神降之祥酬雨師之惠也我大宋之有天下也澤被寰區恩延嶽瀆惟馨之奠固無闕於四時不測之靈亦潛扶於一德先是皇上之在朱邸也龍德猶隱虎

變未期雖天意之在茲豈人謀之可料而神嘗因感祀屢有元告非憑祝嘏之語自同金玉之音言肇位之期則無非口的論卜年之數則頗極綿長及聖王遵顧命以天飛順輿情而帝出徵其言而可復稽其事而不誣神以知來斯之謂也得非上帝有命明靈代言錫我休符期於億載不然則何以使靈應之若是也昔者漢武帝之祀雍時接神語於虛空唐高祖之過霍山荷神休於恍惚以今類古實其然乎故得聖念彌鐘徽章具舉薦正通三之號且旌得一之靈粵以太平興國二年閏七月五日有制改封顯聖王所以報靈貺而昭睿睭也仍命廷臣重修廟貌既而百工並作庶物咸臻役必以時成之不日觀其重門洞啟如吞萬里之山川正殿中蹲似軋九霄之煙霧繚垣周峙長楊五柞之舊規明祀載嚴太室甘泉之故事其神也被以王者之服則藻火粉米可知其畢陳矣其祭也烹以太官之鼎則肴羞牢醴可知其畢備矣噫帝念如是神誠若何必將稟命於鈞天儲休於昌運當使蒼生受福暨同軒皞之年鴻祚無疆遠過商周之代豈直秦川父老偏承胙蟹之恩幽野田疇但沐霽霽之潤而已哉洎新廟之告成願豐碑之未植合資鴻筆用紀靈符而臣謬直深嚴叨當撰述金門待詔既無摛錦之才翠琰垂文諒愧色絲之作恭承睿旨虔抒斯銘銘曰妙萬物而為言者曰神與二儀而合德者曰聖惟聖膺期乃集乎大命惟神佑德乃告乎大慶繫聖神兮相會始天人兮合應洪維

甘肅新通志

卷九十二

藝文志 附金石

九

我后清明在躬景命將至靈祇克從既出乎震故受之豐萬邦咸乂四隩攸同實天垂祐惟帝成功乃醴元貺乃錫爵封顯聖為號炳靈所宗神斯不昧感而遂通荷大君兮有命降純嘏兮無窮貞珉既立新廟增崇俾含靈與庶類知寶運兮延洪

承天觀碑 在正甯縣西門外朝散大夫李維奉勅撰文翰林待

詔尹熙古奉勅書碑詞淵博書法遒逸似聖教序 文見祠祀志寺觀門

楊將軍廟碑 在平遠縣東北四十里青龍山有斷碣文多剝損

正書宋楊將軍業遇契丹戰死處其子都尉楊廷玉陪祀

按通鑑雍熙三年楊業進兵擊契丹轉戰至陳家谷死之契丹復陷雲應朔諸城分注其子延玉死焉陳家谷注云在朔平府朔州南今立廟於此豈前時邊將哀其忠勇因山下亦有陳家谷附會立廟以勵將士歟至以延玉為廷玉殆字迹相近致訛也前明劉敏寬固原州志載宋知鎮戎軍楊文廣祖業父延昭同戰沒似延玉即延昭而文廣嗣為名將立廟或即在此時歟

雙忠碑 在甯州城北廟嘴子狄梁公祠范文正公撰文人稱雙

忠碑爲州八景之一屢遭兵燹碑尙無恙

國朝同治中陝甘學政吳大澂恐年久廢墜用八分書恭錄一通重新立石祠中

妙勝院新修甄塔第二級石碣 在秦州南郭寺碣在塔頂熙甯六年僧惠寶作記鐫石字雖磨泐頗亦可觀

廣仁禪院碑 在岷州城西廣福寺俗名西寺元豐七年八月立奉議郎權發遣陝府西路計度轉運副使公事兼勸農使輕車都尉借紫王欽臣撰記奉議郎充都大經制熙河蘭會路邊防財用司句當公事賜緋魚袋周璟書奉議郎權通判岷州軍州兼管內勸農事管句洮東沿邊安撫司公事騎都尉清河縣開國伯食邑

甘肅新通志

卷九十二

藝文志 附金石

三

九百戶張若訥立石荔菲恭刻字碑高一丈書兼歐褚雖有剝落而大致完好額篆敕賜岷州廣仁禪院記九字

文見寺觀門

畫錦堂木刻八版 在岷州城隍廟襄陽米芾行草書舊爲多納土司趙廷賢家物雍正初土司廢刻版移嵌城隍廟壁間同治初年回變毀於火今但有搨本而已

鎮番一字石刻相傳亦米芾書在多納趙土司屏壁上字大尺餘壁堅未傾石刻猶存

禪院詩碑 在岷州廣仁禪院碑左正書宋元祐二年九月立上刻喻陟游師雄黃庭堅王純臣劉禹卿諸人買種太守破鬼章詩前有記序剝落不可悉辨序中有側書士良二字蓋作序之人而

其姓則不可知矣書者銜名下半鑿刊亦不可讀

涼颺閣記碑 在秦安縣儒學

國朝宣統元年知縣黃國琦重葺明倫堂工人揭出東壁卧碑之陰積土已滿邑中督工監生劉植拂拭閱之有文字乃宋元祐時知隴城塞狄公建涼颺閣記也八百年來之古蹟文字俱工不知當日何以不加護惜乃以此石鐫卧碑而使之湮沒耶一旦於舉修通志之日應時出見蓋精英不能終祕特藉史乘以昭來許也亟為登載以闢幽潛

涼颺閣記南幽史之才撰

四夷之患犯順侵軼其來久矣雖古聖王不能無慮我朝龜鑑前弊安

不忘危命將率遣戎役講肄貔虎豐實儲蓄雖窮陬荒徼亦扼恃險隘控壓喉襟置設堡寨絡繹對峙蓋欲廣斥候而備不虞也隴城寨距秦一百二十里本黠虜鬼留等穹廬所止之地慶曆中仁宗遣將展拓曼曼自涇原水洛城界披山刊木鉏去猾羌路開坦

甘肅新通志

卷九十二

藝文志 附金石

三

然直通於秦寨因置寨設官以治之時有僧從善者於寨之東南阜絕頂創葺精宇以備邑僚行香又於院之北隅別建一亭下瞰闔壘其亭迄今年禩浸遠棟摧換衰將不蔽風雨一日知寨狄公偕僚佐因禱於金僊氏睹是亭不覺嘆息曰凡物之興廢由人苟嗣而葺之則其功易成其力易集奈何率是邑者惟窮日之力止日憂公不暇或靡宇敝漏弗顧嚙能及此耶因諭僧雲起俾求化有緣番漢子來材力雲萃因廣其基增之版築遂構成一閣軒檻宏敞引簷翬飛周眺雲山景益虛曠狄公因暇日與賓僚落成曰是閣也材木非珍儉而有制因民力而成且人之或崇一臺或浚一溜尚寓之名此獨無之可乎客有預坐者曰公言是矣竊敢議其名以獻諸公曰其閣面於北長風遠來故詩曰北風其涼颺者風之貌宜目之曰涼颺閣公曰善遂揭而題之夫構是閣者豈特獨樂其樂以助眾人嬉遊之樂然則眾人嬉遊之樂從何而至邪愚竊謂一郡一邑之長在得其人必曰號令明刑賞公不暇儉人不虐無告嗚呼號令明則下皆畏肅矣刑賞公則法無僭濫矣不昵儉人則邪佞退藏不虐無告則冤枉澄雪其和氣之來也猶桴鼓之應則陰陽調風雨時百穀豐穰羣黎康阜孰不瞻對景物忻懽以從嬉遊之樂邪此真民之樂而有所至也隴城寨去歲自頁徂秋穀麥告成比秦之他邑實曰豐稔豈非狄公善治之所及歟孰曰民之樂無所至邪之才辱公之請辭不獲免因直書其事以

誌歲月云元祐七年歲次壬申四月癸丑朔三日乙卯建隴城寨主簿兼管句床穰堡長孫革右班殿直監秦州隴城寨酒稅張慥書東頭供奉官隴城寨兵馬監押兼在城巡檢趙珣文思副使權知秦州隴城寨事輕車都尉開國侯狄紳立石劉植紀事詩秦邑小鄒魯開闢誕義皇江河日以下風教猶孔彰一朝奉縣牒載葺明倫堂煌煌典禮所從事我曷當爲副興學意昕夕勉就將掘出元祐碑拂拭喜欲狂由來重金石神物肯終藏胡爲俟下走持獻使君黃使君捐鶴俸擊借眾力勦明倫教之本經始在膠庠奈何號素封袖手觀厥旁彭城一衰老勞怨恤未遑丁公殊好義拄杖總壺漿更有河東叟清歌慨當慷一木支大厦般倂走且僵多士間遊覽尙思易雕梁豈知無米炊巧婦等拙娘竭貲告工藏毋乃差大方惟有涼颺記耿耿發奇光斯役良不負史乘其參詳

王公儀神道碑 在西和縣紹聖三年歲次丙子五月庚寅朔十

二日辛丑建碑頗剝蝕而字迹完好上書宋故左中散大夫知涇

州軍州事兼管內勸農使上柱國清源縣開國男食邑三百戶賜

紫金魚袋王公神道碑員外郎提舉利州路常平等事飛騎尉借

甘肅新志

卷九十二

藝文志 附金石

三

緋王森 撰文載藝文神道碑銘

游師雄遊心麥積崖記 在秦州其記刻於崖上第二重石門左右

草書凡四行事在紹聖時

董氏兄弟登科詩序碑 在秦州天水鎮紹聖四年少華趙天佑

作序作詩者凡十人南安軍司戶參軍董湜書鐫

寺坪詩碣 在靜甯州

國朝咸豐初問農民於鎮城南郭寺坪取土掘得古詩碣一片係宋崇

甯時物末署皇城副使涇原路口口口口知德順軍兼知水洛監

軍餘皆剝落不可識詩曰西掖逾千里重過水洛城昔年歌舞地今日死生情舊吏猶能識新街旋問名百年

叨使者顏厚見邊氓

成州龍池湫潭廟碑 在階州高丈餘宣和六年立邑人劉戩篆

額朝請大夫知成州賜紫金魚袋昭德晁說之撰并書石雖漶漫

然文尙可盡識 文曰成州今治同谷距所治北十里許有池廣可

莫有冬夏之異其深何如邦人謂神龍是居方其吁雨粒災而敏

速卽無知者亦必曰神龍之居也彼董父所擾嗜睡而多欲者安

得而有此面羣山之嗟粵後叢岡之透池木老而竹秀雲物常異

則旅人過焉敢不神而式之然惜也圖史莫之有載揆觀其遠方

羸秦時池名曰湫禮幣行焉悉投文以詛楚於時大湫之靈實與

秦共爲無道也今斯名池而不名湫則醜彼功首之國而不爲之

靈也於是乎王翦白起不得稱其武而韓非李斯輩又安在而智

哉實吾池之蛭蟻也歟或責秦之士賤且拘者不知當斯時果有

士歟今往往有死湫據形勝徒暴其所謂詛楚文者爲人侮戲之

孰若吾池今日之榮耶近在唐之中世驅西兵以禦燕寇遂棄鳳

翔之西於吐番未隸此邦於李茂貞而西則孟知祥有焉又宜吾

池之無聞焉爾也說假守無狀悼無年以自訟走祠下蒙神之貶

默與心會伏念莫有以爲神之報則以菲陋之文略志之曰不爲

亂邦而出德也知時以翔智也不廣其居儉也能雲以雨仁也願

彼殘守貪令可以賴是眾美而少寬於刑書豈不幸甚若其吏也

競前而不知危乾沒而不自勉崇邊幅以侈麗務爲欺謾不徒遊

課而且求寵則亦宜神之視而心知愧矣又亦可懼也哉其廟額

錫於崇甯二年新廟之役則政和五年逮宣和六年春說之再薦

甘肅新通志

卷九十二

藝文志

附金石

三

仇池碑記 在成縣撰失名紹興甲寅上巳日忠訓郎曹居賢立

石 文曰自兩儀肇判混氣既分融而爲川瀆結而爲山岡禹別九

著故名山大川載於記籍班班可考仇池福地本名圍山開山爲

之仇夷上有池古號仇池當戰國時漢白馬氏所居晉係胡羌唐

籍成州逮我宋朝隸同谷背蜀面秦以其峭絕險固襟武都帶西

康相結茅儲粟以爲形勢鎮戎之地觀其上土下石屹然特起界

於蒼洛二谷之間有首有尾其形如鼉丹岩四面壁立萬仞天然

棧櫓二十四隘路若羊腸三十六盤周圍九千四十步高七里

有奇東西二門泉九十九地百頃農夫野老耕耘其間雲舒霧慘常

震山腰朝暉夕陰氣象萬千當其上羣谷環翠流泉交灌集而成

池廣蔭數畝此世傳仇池之盛且神魚聞於上古麒麟瑞於近世
有長江窮谷以爲襟帶有羣峰翠麓以爲繡藻雖無瓊臺珠閣流
水桃花其雄峻之狀壯麗之觀卽四明天台青城壑崗亦未過此
非輕世傲物餐霞茹芝者似莫能宅之宜少陵詠送老之詩坡仙
懷詩註之夢由是此山增重小有天一點空明始聞天下名公巨
卿冠蓋相望爭訪古人陳迹然一山之中古廟獨存榜曰晉楊將
軍惜無碑碣莫可稽考咸以爲闕典紹興五禩曹公居賢官於此
廟宇圯壞公爲鼎新復起白雲亭重構招提繪杜蘇二大老像刻
詩於琬琰昭示將來遂成好事翹楚者屬予以紀之予嘗探討往
牒觀通鑑於漢晉南北諸史參考仇池歷代事跡見公始末乃知
公姓楊諱難敵稱氏王諱茂搜者乃公之考右賢王諱堅頭者乃
公之弟晉元帝永昌元年趙主劉耀親征仇池公拒之弗勝退遂
保仇池會軍痲疫燿亦寢疾懼公躡其後乃遣使說公封公持節
侍中假黃鉞都督秦梁二州隴上諸軍武都王大甯咸和聞執田
松擒李稚抗衡前越控制後蜀鼎峙三國雄霸一隅一時英傑也
至咸和九年卒其嗣立厥後穆帝永和三年楊初拜仇池公曰國
日安曰世曰盛皆繼爲仇池公南北之際如元如難當如保熾文
德以降家世其地不可獲舉然楊氏之業唯難敵始大則此廟宇
或爲難敵建乎予踰伏於下身歷目擊親見其詳數其實以紀之
並取唐宋二公詩以爲仇池光華冀千百年後考信於今者亦猶

甘肅新通志

卷九十二

藝文志 附金石

十四

今之考信於古也歟

文州太守魯公祠堂記 在階州額篆書末書紹興戊寅閬州何炳文撰按此碑舊植普明禪院後院圯碑沒於水

國朝同治間邑庠張佶浚河得之因植之文昌宮字迹有剝蝕者然大

致完好所闕不過十分之一人稱爲魯公遺愛碑 何冠梧讀碑歌序云公諱安仁

字榮叔雄州人宋紹興來牧文州有惠政二年民議請留而公竟
內遷文民繪公像祀於普明禪院勒碑以誌去思人代遷移久俱
湮滅同治庚午余宰是邑張生佶得是碑於將臺下河旁數百餘
年此碑沒而復現毋亦公之精靈未泯耶爰重葺將臺且祀公位
既爲序以俟後君子之補入邑乘因歌其事以伸景仰焉爾歌曰
陰平城邊文河東疑有夜珠光融融誰知千年一片石沈淪埋沒
寒流中張生淘掘偶得此出之淤泥舉之起如獲至寶走相告盍
往觀乎吾其喜剗剗苔莓出蟠螭摩挲拂拭詞淋漓字體頗缺尙
可讀煌煌德政魯公碑紹興之朝歲丙子公牧文州民樂只民心
甘苦入公心公心更入民心裏憂饑憂旱心彌真賑荒活及鄰邦

民眾口同稱古慈母百年今見真神君文民方借公留治公忽奉書入環衛攀轅臥轍挽不得來暮去思空隕涕隕涕空思可奈何建祠供奉東山阿擬繡平原拜公像留將生佛傍彌陀爲傳德政垂遺愛故勒貞珉長不磨桑田轉眼成滄海况乃迢迢百千載烽煙兵火城郭非天荒地老山河改此碑潛藏深澗中神呵鬼護今猶在碑在如公恩澤留令人望古思悠悠愧我後來守茲土讀公碑政空慚羞移碑重豎將臺右大厦深簷爲蓋覆更躋公位享春秋文民見此無忘舊邑乘由來多缺遺摩挲此石心傷悲更期他日補遺典留作後人前事師

廣化寺記 在成縣乾道九年立額篆書左從政郎成州州學教

授蒲舜舉記進士張掄書丹 文曰西康人勤生而嗇施蓋其地磽腴皆可耕絲身穀腹之外蜜紙泉漆

竹箭材章旁贍內郡農桑既盡其力而發貲驚材趨時射利人棄我取人取我予者子孫皆修業而息之廩藏赤仄至累世不發惟冠婚喪葬許用之地既饒而習俗如是雖欲矯揉磨淬使之急病遜夷施一錢以濟貧賤乏且不可得而况奉佛老者乎雖然民知敦本是亦可嘉也廣化寺在豐泉距治城二十里卽絳帳臺故址於元豐四年高氏務成捐財以建門闔雄深殿廡耽耽齋庖庫廡

甘肅新通志

卷九十二

藝文志

附金石

三

鐘鼓魚螺無不畢具而高氏之貲中衰人皆言曰高氏未奉佛也富且強既奉佛也田且荒佛之因果豈可信耶未幾務成之姪常擢建炎四年進士第仕至奉議郎鄉人始大感悟知責報於天固不爽也寺始於元豐至隆興初猶未賜額偶中原亂離淫僧宗奭懷賜書避亂來此遂請於太守梅公願以廣化之額補亡且存古跡自是高氏之孫愈念前功仍像設諸佛以增廣之巍巍輪輪宏敞煥麗一日進來請曰吾祖於是寺念之深矣而八十七年之後始有名稱若有數焉願託令辭昭示來世願予非佞佛姑爲本其土風申其可言者寵喜之使刻示邦人其有激也

福建縣廣嚴院記 在階州碑未數行文多磨滅不可讀淳熙十

五年八月十二日從事郎就差階州州學教授魏鯨記並書隸額

夏四月別駕呂侯行縣過福津谷至古蘭臯戍歸而語其客魏鯨曰西距郡城六十里並口東行兩山間曰福津谷岡阜聯絡若伏若起約六十里許突爲口峯蜿蜒口口口曠平夷可聚百家眾山環合拱揖先後有僧庵曰廣嚴院直峰之趾竹樹蒙密殿屋崇麗傑出樹杪宜其地勢堂皇樓閣廣袤相稱像設嚴備徒侶繁集鐘鼓梵唄之音口口口時如通都口口口浮圖之居因召其主僧問

起廢所因曰院故名彌陀舊廬谷以下缺始之至嘉祐中改賜今名紹興中爲漲潦齧壞無尺椽寸瓦留者普興與師道恩始相今址哀一方施金遷而新之起於紹興三十一年落成於乾道九年凡十二年爲八十□□□二爲堂二爲寮十庖廡口浴無不咸具又以餘力爲鐘鼓而縣之度弟子十有二人皆普興口爲之也其用力之難且必如此事之以難廢以不能堅忍壞者多矣如普興者不亦異歟吾儒皆事聖人而至於尊信其道力行其說用力之難且未必浮圖氏若也可不爲之歎惜歟明日普興果自狀其始末詣太守郭侯自狀又詣呂侯請焉曰侯幸辱臨於普興之廬若有意爲普興記亦以遷而新之故願平圖之於呂侯以屬於鯨而普興亦因口口口至六七反不倦遂不辭而爲之記俾有考焉以下缺

天水縣新建三清閣碑 在秦州天水鎮淳熙十六年仲冬秦亭

李綽記賜紫沖素大師苟若谷立石

姚寅恭將利縣民坊記碑 在階州

朝嘉慶間漲潦壞將利故縣隄得此碑橫長丈餘高二尺許前半泐

甘肅新通志

卷九十二

藝文志 附金石

三

闕後半完好字筆力遒勁

其後半曰姚寅恭以計羅寓邑中目其事耳其言喜公於一日之力役猶不輕

用民力既憫其民又獲其應以成其志也因請以志民識之東坡蘇公堂成而得雪以雪名亭成而得雨以喜兩名坊以志民名亦喜兩書也木石甄瓦釘竹之數工匠役夫之力糧食錙鏹之費不擾於民又其細也故不書紹熙癸丑三月修職郎就差興州司戶參軍兼發遣四川總領所將刊縣措置羅買姚寅恭記

世功保蜀忠德碑 在成縣城北二里高一丈五尺餘文六十一

行半前銜三行後銘十行長行一百二十字大八分書中多剝闕

碑額篆書世功保蜀忠德之碑

字大一尺二寸餘

碑陰額篆書皇帝宸翰

字大一尺四寸闊一尺二寸

中書世功保蜀忠德之碑

凡二行正書中有敕命

之寶璽又正書修政殿書四字貫其中嘉泰三年立中大夫守中

書舍人兼國子祭酒兼直學士院兼寶錄院同修撰高文虎奉敕

撰朝奉大夫起居舍人兼實錄院檢討官兼權直學士院賜緋魚

袋陳宗召奉勅書

其銘詞有曰皇矣上帝享宋之仁二百中天其命維新天厯所歸既作之君人謀咸贊又生此

臣如虎嘯風如龍滂雲於赫厥宗帝王有真明謀雄斷炎正載旻總攬文武掃靖妖氛至於功業父子一門再世保蜀三世總軍忠德茂盛人莫能倫亦惟吳氏獨勳而勤曰武順王允武且洵瞻我皇靈聲震隴岷王克有嗣忠勇不羣濟時艱難父子奮身自虜背盟渭上揉紛公獨摧堅六奇迭陳虜目黃幟懾潰縮遂我大破之暴尸如芟虜憤且恥拏兵燥曠再攻德順進兵瓦亭列陳斬斬霍然驚鷹兩兵交鋒始且及曠我又破之縛酋斬孺鞏州之圍以威束信飛苛夜降如火自焚一月三捷見於褒綸孝宗受禪以武濟文眷公勳力有禮有恩蠢蠢狂虜意不克馴來窺東山囊括而吞我又破之喋血川淪虜失險要志挫莫振大作戰車如輻如輓我破之返無隻輪虜卒震驚和議乃申公時振旅內外董屯至太上皇繼御帝宸亦惟禮遇錫向日曠公以忠義父訓所薰勇於為國報時君親扼兵以律裕士於貧甘苦必同煥給必均惟水之害民壑是瀕公獨障之絮之沈淵惟歲之饑民死相因公獨全之置之晏忻民之懷愛士樂撫循有備無患不忘宵晨宥昌馬政有駉有

甘肅新通志

卷九十二

藝文志

附金石

三

駟阜郊堡禦有城有闕雖其兵械鐵石角筋其太除戎蠶午彪分高宗孝宗賜見大昕至太上皇惟訓之適當其造朝訪問咨詢公奏方略有懷必伸宸翰之光金玉之珍三宮所賚寵極縉紳致位左棘瀛祿藜藜遽奪英武孰問昊旻皇上踐祚慨思忠統緬瞻儀型流聲垂芬繫公有子王亦有孫方提禁旅肅於階軒維公至烈世濟父勳維公障蜀保綏厥民曰忠曰德光於前人宣猷焯美破之堅珉奎畫昭回光麗三辰錫以節惠猶瑋繼彬公雖既往英氣懷存子孝而忠武文孔贊訂此銘詞鎮彼西坤荷千萬年宋德汙

法 因碑文詞 太繁故不備載

按吳氏弟兄皆許國玠封涪王璘封信王功烈赫然矣璘子挺繼之帥蜀亦有聲當時此世功保蜀忠德碑所由敕賜也攷此碑立於宋甯宗嘉泰三年乃挺子曦請於朝敕高文虎撰陳宗召書者額篆則宸翰也吳氏固世有功於宋宋之所以報吳氏者亦云至矣先是留正帥蜀慮吳氏世將謀去之不果至紹熙三年議更蜀帥正言西邊三將惟吳氏世襲兵柄號為吳家軍不知有朝廷遂以戶部侍郎邱密往密陛辭奏曰臣入蜀後吳挺脫至死亡兵權不可復付其子請以便宜撫定諸軍許之及挺卒邱密使總領財賦楊輔權安撫使統制官李世廣權總其軍以殺吳氏之權余端禮亦因挺卒謂趙汝愚曰吳氏世握蜀

兵若復承襲將為後患汝愚是其言合辭以奏尋以興州都統制張詔代挺領武興軍是挺子曦之不可再握兵權諸臣亦早見及此曦為殿前副都指揮使賂韓侂胄於嘉泰元年七月復為興州都統制既至鎮譜副都統制王大節罷之更不除副帥於是兵權悉歸於曦侂胄復以總計隸宣撫副使得節制按劾而財賦之權又歸於曦其為挺立碑即在曦帥蜀之第三年高文虎侂胄黨也雖奉敕譔文抑亦不足重輕也明矣再越三年而曦以反聞先獻關外階成和鳳四州於金求封蜀王既又奉表獻蜀地圖及吳氏譜牒於金未幾自稱蜀王在曦病狂喪心斷送世功誠狗彘不食其肉而侂胄貪賄貽禍罪亦不容於誅曦偕立凡四十一日伏誅旋詔誅曦妻子家屬徙嶺南奪曦父挺官爵遷曦祖璘子孫出蜀存璘廟祀此碑之不仆且毀幸也亦足見有宋寬大之恩使後世觀此碑者痛恨曦之忘恩悖義徒自隕其家聲雖身膏斧鉞妻子為戮猶不足蔽其辜也錄入金石非榮之也將借作殷鑒為亂臣賊子垂戒云

五仙洞碑記 在成縣開禧元年宣教郎通判成州軍州事宗國

趙希邁潛父撰并書朝奉大夫知成州軍州事嘉定辛標之明父

篆額 文曰同谷以景名者八五仙洞其一也世傳公孫氏五子嘗於此學輕舉之術往往靈蛇暴日神魚泳淵其事雖不經見

然意其林巒扶輿磅礴必有如揚子雲所謂山澤之臞者居之閨八月余被檄慮囚武階因往遊焉愛其雪崖蒼古煙崑隱翳翠篠寒松流泉飛瀑映帶左右蕭然若離塵濁有道士宗辯揖余而言曰昔吾晦庵禪師崛起關西道價甚高飛錫南遊輒關禪林之口而奪之氣茶馬趙公太守毋公深相敬重有語錄行於世遊師門者眾矣而宗鑑實為上首異時五仙洞蔽於榛棘蒼莽中鹿豕晝遊狐狸夜障蹊徑不通人跡罕至獨樵叟獵師斧斤置尉時肆踐踐自鑑筆路藍縷以啟山林為之室慮安處徒眾里人屈仕顏又舉環洞之木章竹箇願助清供氣象蒼鬱於是五仙之勝與雞鳳爭雄繼鑑者曰宗嶽曰宗顯顯又造觀音像為閣三間以覆之顯既遊方乃命宗辯主灑掃之役宗辯不量力營新葺舊辛苦累年始克創塔亭建重門丈室僧寮粗若備具且誘化信士從成都置大四部經歸鎮山門繇鑑迄今蓋三十餘年矣每惟開山之勤未得而見之於鑑也又無晤言之暫然嘗讀母趙二公若銘若贊則知晦庵之為高以其師信其徒則知鑑之為賢自昔佛家流草衣木食宅幽而阻澗蓋欲屏遠翳塵離諸染著以學苦空寂滅之道未世比邱知此者解鑑也侍晦庵巾瓶最久乃能於戒律陵遲之

際篤志自修結茅崖洞不與物接其胸中所得必有過人者今子又增而大之薨棟參差戶牖依約爐香卷經絕去俗累視前人可謂無負吾聞善學於師者不於其迹於其心談空析妄設爲問答剪荒除穢化爲殊勝此皆其迹而非其心也子誠不忘鑑之勤與夫子之師所以付屬盡自其心焉求之精進不已則晦庵一燈之傳相爲無窮可也辯曰唯遂書之以爲記

白石鎮碑記

在西和縣舊在鳳凰山後移學宮

缺闕表西州襟帶秦隴實全蜀

之保障而西和最爲要衝郡初號岷治隴西自缺敵境移治白石鎮改曰西和朝廷以道德爲藩不專恃險也皇帝御天下二十七而詔工部侍郎南海崔公開制閩于益昌時軍律積壞以威則憾而怨以恩則橫而肆公清忠直方身爲律待下以信不嚴而肅朝夕惟固圉是咨是講瞻言此邦開禧丁卯邊釁一開流徙者屢嘗日城以域民縣二十里形勢散漫工役苟簡民無固心於是按圖度勢縮脆就堅苟利吾蜀毋憚厥費規摹既定以授利州路副都統制質侯俊且俾郡家叶濟其事質侯奉教合悅以使人趨役忘勞震午被檄攝守亟成厥終倚山爲壙臨谷爲塹地環十里不隘不羸爲堡三戰臺二城門十八樓櫓四十二井泉七十八控扼得要進取退守其勢順利是役也緡錢缺十餘萬皆出制閩役兵以工計凡八十萬有奇旣成卽高堡築堂顏曰威遠爲異時運籌制

甘肅新通志

卷九十一

藝文志

附金石

三

勝之地且繪公像於其間以從具瞻北望祁山煙雲吞吐岡巒起伏武侯之遺烈可想也西望熙洮聯互湟中營平經理之規猶有存者東望長安慨然感歎卷三秦以定天下漢所由興乎將士父老進而言曰築斯城將以固吾州也固吾州將以固吾蜀也斯城恃險以固耶余應曰然天固蜀以險公固蜀以德親君子遠小人則士心固除橫斂寬苛役則民心固明賞罰戢揜克則軍心固內培元氣外壯天險五年用蜀蜀安且固其有德於蜀遠矣履德之基常德之凶公主一爲德常久不已則築斯城也其所履之形見者耶軍民合辭曰缺成績乃鑱蒼珉詔千萬世公名與之字正乎嘉定十七年二月旣望門生承議郎通缺府事兼四川制置司主管機宜文字權西和州事尚震午記竝書門生保議郎權缺御前諸軍副都統制司職事質俊立石

石刻絕句四首

在秦安縣相傳是仙人手蹟字亦侷儻不凡其

一曰挂鏡臺西挂玉龍半山飛雪舞天風寒雲直上三千尺人道

高歡避暑宮乃金玉庭筠遊黃華山詩也

西夏天祐民安碑

在武威縣城內北隅

國朝嘉慶間邑人知縣張澍書後云

此碑在吾武威城內北隅清應寺中有碑亭前後甃砌封閉已久者

老亦不知為何碑但言不可啟啟則必有風雷之蓄余於嘉慶甲子季自貴州玉屏引疾歸家暇與友人游覽矚和尚坼其封不可疆之亦不可乃言若有禍崇我輩當之與住持無預乃允遂呼傭人數輩啟其前甃甃而碑見高一丈許塵土積寸餘帚之乍視字皆可識熟視無一字可辨字體方整與今楷書無異額篆書天祐民安之神六字余曰碑後必有釋文仍令坼其後面拂拭之乃釋文也大略言阿育王起八萬四千寶塔奉安舍利今武威郡塔即其數也自周至晉千有餘載中間廢興經典莫記張軌治宮室適當遺址時人謂張天錫曰今之宮乃塔之故基天錫乃舍其宮輸財營治斤蹤斧跡極其疏略視之容易可及然歷代工巧營心役思終不能度其規矩迄今二千餘年大夏開國嘗有歌仄每欲薦寇涼土是夕亦大雷電晦明中上現瑞燈羌賂之賊異而退頃南國失和乘輿再駕躬行薄伐申命王人稽首虔禱故天兵屢捷前季冬涼州地大震塔又欹仄守臣露章具列其事詔命營治鳩工未集還復自正今二聖臨御繼述先志文昭奎肅內外大治天地禮祀必莊必敬宗廟祭享以時以虔而釋教尤所崇奉再詔營治云云未有銘詞六十四句文理樸陋未又云天祐民安五季歲次余發之乃始見於天壤金石家又增一種奇書矣

甘肅新通志

卷九十二

藝文志 附金石

三

甲戌朔十五日戊子建末又刻書碑篆額及僧人名數十按史言夏國字係其臣野利仁榮所造或云元昊作之未知其審此碑自余發之乃始見於天壤金石家又增一種奇書矣

西夏承天寺碑記 在甯夏府羊

缺撰 文曰夏國皇太后新建承天寺瘞佛頂骨舍利軌原

夫覺皇應迹月涵眾水之中聖教滂輝星列周天之上蓋口口磨什鈍道澄圖嘗表至化以隨機顯洪慈而濟物縱經塵劫愈自彰形崇寶刹則綿亙古今嚴梵福則靡分遐邇我國家纂隆不構儀啟中興雄鎮金方恢拓河右皇太后承天顧命册制臨軒釐萬物以緝綏儼百官而承式今上皇帝幼登宸極夙秉帝圖分四葉之重光契三靈而眷祐粵以潛龍震位受命册封當紹聖之慶基乃繼天之勝地大崇精舍中立浮圖保聖壽以無疆俾宗祧而延承天祐紀歷歲在攝提季春念五日壬子建塔之晨崇基壘于砥砮峻級增乎瓴甃金棺銀槨瘞其下佛頂舍利闕其中至哉陳有作之因口仰金仙之垂範口無邊之福祉口口之欽崇口口奉作之綸言獲揚聖果虔抽鄙思謹為銘曰銘辭剝落不辨又葬舍利碣銘夏右僕射兼中書侍郎平章事臣張陟奉制撰臣聞如來降兜率天宮寄迦維衛國剖諸母脅生口口靈踰彼王城學多端氣甫及半紀頗驗成功行教口口衍之年入涅槃仲春之月舍利

麗黃金之色齒牙宣白玉之光依歸者雲屯供養者雨集其來尚矣無得稱焉我聖文英武崇仁至孝皇帝陛下敏辯邁唐堯英雄口漢主欽崇佛道撰述蕃文柰苑蓮宮悉心修飾金乘寶界合掌護持是致東土名流西天達士進舍利一百五十枚並中指骨一節獻佛手一枝及頂骨一方罄以銀槲金棺鐵甲石櫃衣以寶物口以毗沙下通掘地之泉上構連雲之塔香花永馥金石周陳所願者保佑邦家並南山之堅固維持聖嗣同春葛之延長百僚齊奉主之誠萬姓等安家之懇邊塞之干戈偃息倉箱之菽麥豐盈口於萬品之瑞靡息一口之口謹爲之銘曰口者降神兮開覺有情肇登西印兮教化東行口口之後兮舍利光明一切眾生兮供養虔誠口口聖主兮敬其三保五百尺修兮號曰塔形口口口兼兮葬於茲壤天長地久兮庶幾不傾口大夏天慶三年八月十日建右諫議大夫羊口口書甯夏府志云按承天寺爲甯夏古刹其浮圖倒影尤稱靈異乾隆戊午地震塔寺並殘毀舊志載此碑文當時已多剝落今更莫可辨識矣雖僞國制作非關典禮而甯夏數百年前遺文故蹟欲更求如此一片石不可多得也不忍割棄仍錄其原文用誌斯寺建造歲月亦考古之一徵云其瘞佛頂骨曰天祐紀歷歲在攝提乃夏英宗諒祚天祐垂聖元年宋仁宗皇祐二年庚寅也其藏舍利曰天慶三年乃夏相宗純祐天慶三年宋甯宗慶元二年丙辰也

甘肅新通志

卷九十二

藝文志 附金石

三

西夏黑河建橋敕碑 在甘州府境內敕曰敕鎮夷郡黑河上下

一切水土之神按史稱宣化府無鎮夷郡意以府統郡而郡名未

達於中朝抑或瀋國而略之也其碑末紀年曰大夏乾祐七年

歲次丙申九月二十五日立石其題名有主案郭郡王成司吏駱

永安革平張世恭寫作使安善惠小監王廷慶最後有司大句當

鎮夷郡正兼郡學教授王德昌特起別書蓋今郡守職也其碑陰

用其國書與今譯家高昌書相近而不可識別意即前敕意也文

入詔敕門 國朝鍾銘讀西夏敕黑河建橋碑歌 繼遷兄弟多無賴元昊君臣少有聞食酪何須崇稼穡披氍毹更勿用

絲纒家風只重仁榮釋國語徒行宣化軍策賴張吳曾製字廂區左右孰銘勳鬼名舊族家儀雜元振新屯唐制禁詎擬甘泉一片

石猶書乾祐七年君建元不避伊親諱設學空增弟子員賢覺聖光靈赫赫革平寫作吏紛紛偏違鄭相榮龍訓似效韓公驅鱷氛

堪幸德昌司郡正足徵鄉子紀官雲此碑得免防河砌斯救稀逢
焦土焚九月與梁今可造十行楷隸昔原分儼同木塿祛兵燹或
共仙姑亭苾芬珍譬靈光存隻柱典留鑠得
作三墳西秦有例方西夏零落當年詛楚文

金普照寺鐵鐘 在省城內西南隅泰和二年郭鎬造案鐘高九尺

口寬六尺計重萬斤上鑄泰和年號暨銘辭款識共一百五十字

大定辛酉碑 在金縣城外東南半里許清虛觀卽今先農壇碑

石堅緻高大碑上螭頭鱗甲猶存文長約三千餘字剝落不可識

惟存清虛觀及吹塤吹篪等字年月書人姓名俱不可考

按金大定有乙酉丁酉己酉而無辛酉辛酉則金泰和元年也
所鐫紀年不無有誤此碑迄今已七百年碑字之磨滅也固宜
但以文太冗長字不盈指雖碑質堅緻而鐫刻太淺又有風雨
之剝蝕故不能垂之久遠後之勒碑者當以此爲鑒至所謂吹
塤吹篪意殆兄弟二人
所共建歟然不可考矣

甘肅新通志

卷九十二

藝文志 附金石

三

唐列代碑 在安化縣東一百里明昌中薛王十三世孫李大申

刻唐高祖至昭宣二十一像

關帝廟雲板 在靜甯州鎮城東街關聖廟雲板係金時故物上

刻泰和六年水洛縣製

元加封孔子大成至聖文宣王制 在省城文廟正書碑高二尺寬

二尺共一百四十四字張國士書碑上鐫大德九年下鐫至正二

年立石後有跋語亦漫漶不可辨

創修文廟碑 在秦安縣至正中知縣王思聰建碑存廟中相傳

移自隴城石理堅潤邑人何鶚撰并書書法遒古爲縣中金石之

冠

加封祖真碑 在隴西縣南山麓武安王廟側俗呼爲七真碑書

法挺拔饒有氣力好古者多捐摹惜碑末不載書人姓名文曰皇帝若曰

大道開明可致無爲之化至真在宥迄成不宰之功朕以祖功獲承基構若稽昭代雅慕宗風自東華垂教之餘正陽開化之始真缺時代代相承有感遂通無遠弗屆雖前代屢承乎褒贈在朕心猶慊於追崇乃命儒臣近加徽號惟東華已稱帝君但贈紫府少陽之字其正陽純陽海蟾重陽宜錫真君之名丹陽以下七真俱號真人載在方冊傳之萬世噫漢世之張道陵唐朝之葉法善俱錫天師之號永爲道紀之榮當代不聞異辭後來立爲定制朕之所慕或庶幾焉

東華教主可贈東華紫府少陽帝君 正陽鍾離真人可贈正陽

開悟傳道真君 純陽呂真人可贈純陽演正警化真君 海蟾

劉真人可贈海蟾明悟宏道真君 重陽王真人可贈重陽全真

開化真君 丹陽先生馬玉可贈丹陽抱一無爲真人 長真先

生譚處瑞可贈長真雲水蘊德真人 長生先生劉處元可贈長

甘肅新通志

卷九十二

藝文志 附金石

三

順德真人 宜令掌教光先體道誠明真人 張志敬執行准此 至元六年正月 日

汪氏神道碑 在今鞏昌府城南南壇左側碑凡三甬碑舊五甬其義武公

遺愛碑久已頽廢貞肅公子文貞公碑元末明遣武甯王徐達信

國公馮勝略地及鞏總帥府庸公據守不下武甯命仆之今所存

者均寬五尺厚一尺餘高二丈餘碑帽碑座尙完好後面碑文頗

多剝落一爲隴西義武王世顯神道碑楊文憲公撰見元名臣事略便宜

都總帥府參議鞏昌奧魯都總領門下潘珍書正一爲義武公仲

子忠烈公德臣神道碑潘珍書正翰林學士承旨資善大夫知制

誥兼修國史王鶚撰政奉大夫中書省參知政事商挺書并題額

一爲忠烈公長子貞肅公惟正神道碑集賢學士大中大夫宋渤書正面政奉大夫參知政事樞密副使商挺撰并書翰林侍讀學士

知制誥同修國史朝列大夫陝西漢中道肅政廉訪使高凝篆額

文繁未載僅錄其銘

銘忠烈公曰西州著姓因官氏汪一門忠義烈日秋霜維忠烈公嗣總戎行奉命徂征所

至靡抗欲下苦竹先城益昌長江之險如一葦航鐵衣百萬虎奔龍驤料敵制勝績用章章帝曰汝嘉待之異常帶以手授酒以手觴虎符赫赫錦衣煌煌榮寵斯絕非公孰當志清蠻瘴直擣餘杭天胡不慙壞此棟梁輜車所及軍民涕滂賴有聖嗣克紹餘芳請諡封爵存沒有光追述忠烈孝思不忘亭亭豐碑樹之祠堂子孫繼承公維不亡銘貞肅公曰山西出將將出將門粵稽汪氏合古有言義武始基忠烈勤垣及公堂構有子有孫秦蜀三叛鯨鯢而奔公以折筮剗斃狐豚皇帝曰忠錫馬斯蕃皇子安西旌以金尊國初納土比肩作藩彼為寓公我固本根未艾而薨華人則冤勳藏盟府守典者存鹽川之阡羊虎行蹲刻詩麗牲永表忠魂

神鐘白鳴

在山丹縣雷壇古稱神鐘似銅非銅似鐵非鐵上鑄

元沙州都督索允等字銘暨書人年號俱磨滅不可識間有自鳴之時

甘肅新通志

卷九十二

藝文志

附金石

三

按漢武帝時建章宮殿鐘白鳴詔東方朔問之朔曰金者水之母其氣相感今鐘自鳴必有山崩之事既而西蜀泰山崩其言果驗此一說也 國朝光緒初年五月晦夜鐘忽大鳴識者言不出百日必降嚴霜至七月初間大黃山一帶嚴霜大降殺禾殆盡或問之曰古者鐘鳴霜應乃理之常如視為神奇而誇張附會若曹魏之移承露銅人是反為民累耳奚以彌天夔哉邑舊志記朔望自鳴究非實事特釐正之

玉陽觀古碑

在秦州西百十里傲白山東有玉陽觀境極幽勝

傳為玉陽真人修道處左有靈湫禱雨輒應古碑三字迹率漫滅其可識者元至順三年武略將軍王應昌為真人立石書人姓名則殘落無存附近有滴洞溝兩山夾互石門三重又有石狀如鐘鼓高橋地出狐豹山羊白山丹花銀砂草阜攀等曲折而行至碧雲洞則兩山壁立如門瀑泉聲若雷松柏茂密從石罅窺升入洞

有燈油迹石壁刻字約十數行忽斷忽續剝泐不可句讀

亦都護高昌王世勳碑

在永昌縣虞集奉勅撰

錄其銘曰維皇

知幾先徠偉茲高昌列圖率賦寶玉重器稽首受命以表誠至太祖曰嘻天啟爾衷有附匪疏以究爾功橐鞬介胃十千維旅以從四征斥廣疆宇從我王事靡懈朝夕邦之世臣食其舊邑舊邑高敞介乎強藩為暴突來虔劉以殘保障扞城我禦我備敵為弗順我死無二崇墉言言寇來實繁力殫守堅責我師昏有齋季女出女紆難義有絕受皇用咨歎寇退民完天子慨之釐帛載金悴斯漑之城郭室家既還既復庶其甯我皇錫之福千廬千處狂嚚倚之矢盡眾殲執節死之維時賢嗣泣血入告請揚天威以報無道天子壯之俾軍於西撫爾人民受之鼓鞶有節西羌弗靖以撓移節往治旋就馴擾武皇續武睠爾裘服節旄印綬仍護其屬乃稽王封在時仁宗旂纛舒舒克章以庸迺及永昌幕府斯臨將星宵隕亦既卽世宰木陰陰閱歷時歲顧瞻徘徊邦人之思大夫嗣德克敬以讓三命彌恭世爵用享佩玉瓊琚躬行孝嚴服御不渝肅肅雍雍有察有容親親尊尊允德允恭天子還歸大義攸征大夫在行民性以定既安既甯治久告成大夫司憲百度孔明袞裳赤舄進見退思倣於無虞匪泰伊惕大夫申申明哲以孚嘘歛有懷

甘肅新通志

卷九十二

藝文志 附金石

三

永昌之墟天子有詔大夫省墓勒文載碑世勳是祚維王孫子永言思之豈惟子孫百辟其儀之

明太祖瞿曇寺金佛像碑

在碾伯縣西三十餘里俗謂之馬圈溝

文為太祖御製

如來千百億化身慈悲萬有憫濟三途作大方便善哉善哉總攝羣生咸登覺道為苦海之舟梁幽

冥之日月有能作福之功德普利一切則三界人天皆所敬仰香雲彌布法雨充周大地山河皆為佛國含靈蠢動普得濟度朕主宰天下愍念蒼生洪體慈悲發勸隨喜鑄金為佛像利益羣品初命工作範久而不成一日工匠退食闌然無人模忽自成莫不驚異贊歎以為希有謂諸佛菩薩顯應示現神通遂一鑄而成乃有異香馥郁久而不散非人間所有瑞光圓滿毫相端嚴具諸種好是最妙吉祥持以布施灌頂淨覺洪濟大國師板丹藏卜歸於西土濟利羣生作無量勝果增長無量福德俾時歲豐稔家給人足老小康甯災殃殄滅吉祥如意永蒙佛恩於平佛體如如真常寂靜故無感不應昔優曇王作旃檀佛像妙感忉利天匠殊勝特異利益一切靡有窮極朕今用金鑄而感應復若此所以利益者亦復如是用紀其瑞勒之於石永隆佛教久遠益盛乃為贊曰道德巍巍兩足尊超出三界甚希有廣與眾生作方便能以一善攝一切有緣遇者即超悟不動瞬息證圓融我今作此勝妙像毫相端

嚴無比好普利三途與六道蠢蠕胎溼悉蒙恩永賴世間諸有情
不纏煩惱感快樂五濁惡世悉清淨即求如來寶覺中大慈大悲
現法身金剛堅固無有壞不可
思議大劫海一切歸命法中王

鑲遠橋四鐵柱 洪武五年衛國公鄧愈造二柱九年宋國公馮
勝造二柱案四鐵柱圓徑俱一尺五寸長俱一丈八尺入地三分
之二繫鐵纜二條長俱一百二十丈上鑄洪武年號暨監造衛名
每柱各三十餘字鄧愈所立北岸一柱久沉河底

國朝道光二十二年總督布彥泰補鑄立之

敕賜寶覺寺碑記 在甘州府宣宗御製右春坊庶子沈榮奉敕

書楷法極佳 文見寺觀門

元貞觀記 在甘州府佑善觀內閣大學士楊榮撰 文見寺觀門

甘肅新通志 卷九十二 藝文志 附金石 三

普照寺青銅鐘 在省城鐘高七尺口寬五尺重五千斤上鑄宣

德年號暨銘辭款識 又銅鑪一上鑄宣德八年造高一尺周圍

一尺五寸上鑄宣德年號共六字

趙龍峽古鐘 在化平廳北四十里下寺莊有古鐘一座鑄字曰

大明國西安府華亭縣化平里西河子小斜川趙龍峽古跡年月

銘識率皆磨滅無存

大崇教寺碑 在岷州明宣宗敕建詞臣沈榮書筆鋒爽朗婉秀

中仍具莊嚴氣象

修黑龍王廟碑 在張掖縣西南七十里許明天順元年御史牟

倫撰文金陵李實書丹碑石青質白紋與楷法鑄法俱佳 節錄其文日張

掖西南七十里許有廟焉相傳以爲黑河龍王之神祠也水旱札
瘥禱無不應幾百年矣而棟宇將傾赤白漫漶上雨旁風父老傷
嗟桂陽蒙公奉命鎮守甘肅二年事輯人和乃謁其廟歎曰一方
之人無水旱之災兵革之擾者皆神之賜也而廟如是甚非所以
慰答神庥於是總兵官平羌將軍西甯侯宋公奉御章公等議合
乃捐金鳩材廢其舊廣其圻增其崇深殿宇雄闊尺度新巧椽彩
輝映壁畫奇絕興作於仲春訖工於季夏七月十二日公與宋公
以牲醴告成焉乃命刻石以紀始末予維龍四靈之一然彼三者
特以表一時瑞耳若龍則噓氣成雲變化莫測窮乎無閒司乎雨
澤其旱而禱不崇朝而四野同雲沛然下雨千里告足其滂而祈
不崇朝而陰雲四開旭日照臨千里不污其爲利不既溥乎况乎
疫癘之作烽火之警叩則遂心聖王之制祭祀能禦大災則祀之
能捍大患則祀之神有是二者其享一方之祀宜也銘曰龍之爲
德四靈之一噓氣成雲變化莫測倏忽震電沛乎雨澤禱無不應
轉禍爲福我公鎮之竭誠奉神美哉廟貌煥然
一新血食一方惠我萬民我銘於石用告後人

雁塏題名碑 在皋蘭縣儒學明倫堂前正書按李進文廟祭器
碑刊於景泰七年據稱泮池雁塏靡不效古人而增置焉則雁塏

甘肅新通志

卷九十二

藝文志 附金石

三

之創始當卽在景泰時矣續志乃謂

國朝乾隆丁巳指揮李翥豎石柱四倣長安慈恩寺故事名曰雁塏殊

屬舛誤 蘭州衛指揮順治三年爲守備雍正三年裁衛缺丁巳爲
乾隆二年不得復有指揮續志之說蓋亦懸揣之辭而未

經考 核歟 今塏有六 文東武西 其四道光二十三年舉人田毓采丞渚

等重建其二光緒十年貢生耿守仁增建巫渚序附錄備覽 科甲
上應

列宿下則秉山川清淑之氣磅礴鬱積發而爲一邑之光其聲稱
固自有不可磨滅者豈必名之而後見哉且孔子曰君子疾沒世
而名不稱焉名之稱豈以科甲哉然名之稱固不僅在科甲而科
甲之名要亦有足稱者昔唐韋肇以明經及第題名於慈恩寺雁
塏後人因之至今不廢蓋重科甲也而所以勵後進之人才與人
品者皆在於此吾蘭之有題名塔自乾隆乙未始近因剝落傾圮
學校起而重建之巋然相望近臨泮壁之清泓遠映三臺之高聳
凡吾鄉名登蕊榜者得羅列而鐫石其上則前人之流風餘韻既
不至澌滅而不傳並可使繼起之英逢 盛世之休明昭斯名之
表著爭相鼓舞希附於千佛之名經斯塏之立其所關繫豈淺鮮

哉且夫同一題名也而如黃卓菴之尚德崇謙段容思之理學經濟彭幸菴之清忠正直鄒蘭谷之盡忠言事獨盛經於勿衰者此何故哉後之人即其名而思之苟能砥行自立勉爲道德政事文章不使古人獨專美於前其必有載之史冊而流傳百世者豈第名之於

臨顏魯公贈裴將軍詩帖 在督署後園碑洞行書石十九塊董

其昌書案此帖

國朝總督那彥成摹刻跋語附錄備考

思翁書宗魯公故臨顏更爲超絕嘗見得意書亦推崇松雪尋

常又不甚假許蓋推崇毋以自命耶此裴將軍詩卷精神魄力不讓松雪思翁云古人行不閒一筆草草不閒一筆行余謂大家一落筆圓通幅皆圓一落筆方到底皆方觀此斬方筆力迅於風雨頗亦不無可解那彥成並識

興谷寺鐘記 寺在秦安縣城北門內迤東鐘高七尺徑四尺明

丁繼文作記鑄於鐘上翼以樓懸焉

文曰大人宏治元年謫官鄉土越紀政修事立竊禦皆熄

甘肅新通志

卷九十二

藝文志

附金石

三

迺以三千許鐵斤鑄鐘於興谷寺識一時人物於其上命予作記予觀勝狀在城制之北棟宇翬飛翠並滕閣之宮丹青煥炳光耀金陵之壁松亭亭竹娟娟桂馥蘭芳佳趣無極蓋如於大元至元之次之所建然則幽興遄奔竹木陶情衣鉢相傳多會於此覽之得異乎常若夫天際雲曙一碧萬里日月光華映暉五色春和氣融吾心順適擊斯鐘也則樂於是乎形泮泮而風浮浮而雨秋秋色衰更深人靜吾心擊斯鐘也則憂於是乎形而鐘之聲初不哀不樂焉殆猶樂則行之憂則違之其樂其憂在時卷舒耳其性何加也何損也吾之取鐘者以此故託以寓士君子之心於不朽云宏治元年乙未正陽月陰陽學訓術丁儀發心創鑄伸男後學生丁繼文題書篆秦安縣知縣徐森儒學教諭胡彌高僧會司僧會修浩老人楊錦義官董縉

按興谷寺創建於元最爲秦邑古利明嘉靖中大中丞邑人胡纘宗題其寺額曰興國寺又書般若二字於正殿門萬曆中知縣趙忭重建亦勝曰興國寺與纘宗書工力幾相敵 國朝乾隆初邑人復修葺焉俗稱官寺此云興谷寺蓋本其初而言也

記中丁儀秦人其子繼文明正德戊辰由舉人署山西潞州學訓導既復除順天學有聲於時邑志父子俱有傳知縣徐森教諭胡彌高皆名宦也事蹟詳列傳中餘亦姓名與此鐘俱承又按後漢初平中略陽氏築興國城氏酋阿貴據其城自稱興國

氏王秦安古略陽地方輿紀要謂興國城在縣西北不著道里遠近繼宗以興國名寺豈以縣治卽興國故地歟抑寺本興國土音訛爲興谷歟

鞏昌府城梵鐘 高丈二尺許周十圍其音宏亮撞之聲達十里前明宏治年間鑄懸威遠樓中

金天觀詩碣 草書石二塊五律詩各一首後鑄正德九年共百餘字末署光霽道人題並書

按光霽道人 肅靖王別號

積慶寺鐘銘 在狄道州高八尺同知唐懋德爲銘序曰按鐘乃元元帥祈福任狄道時掘得之積慶寺草壤內者懸之天甯寺鐘樓久矣成化丁亥知府事天台錢公茂律建鼓樓爲府治外門而

甘肅新通志

卷九十二

藝文志 附金石

无

移鐘共之嘉靖丁酉知府事厯城陳公鞠惡其鐘位稍偏而聲不揚非利也謀於揮使陸恩建樓衛門而移居之鐘乎至此蓋三遷矣奈何物有興廢數有變遷居諸旣久體裂聲頽余佐郡六載晨昏若未之聞鐘耶聲耶豈有所待而興耶抑余有往因借手輪轉然後體完而用神耶從此聲教四達遐邇傾聽惟神實永賴之而余何力之有焉是爲銘

銘曰繫惟此土在庚之隅質剛性堅得金之餘民生其間綽有鎔鑄聲教百達何寐

弗寤舊器缺裂厥音孔塞欲覺弗聞奚以振德惟予不佞任忝覺民上方元韻弗敢久湮爰起大治收九有鐵一鼓而成神光四徹寒暑往來閉昏起晨旬鏗震徹無遠弗聞緣聞俾覺緣覺俾奮明智聿興如響之應厥始條理神功載起隔我蒸民萬世無已

貢生題名記 在蘭州府儒學碑正書高六尺上鑄嘉靖庚戌孫

洲撰

按此碑

國朝乾隆四年劉鵬舉史貽芳重刊乾隆三十年建碑一在明倫堂西道光二十三年建碑二在明倫堂東

重修嘉福寺碑 在省城內碑正書高九尺寬四尺上鑄嘉靖二

十五年肅世子撰

按嘉福寺木塔屢燬屢修此碑稱塔頂中有石碣尺餘刊文曰寶塔建於唐貞觀九年後罹兵燹無存惟餘碑記而已據石碣所云碑記當即唐時古碑今已無蹟可考

智仁信勇嚴說 在省治大教場正書碑高五尺寬二尺上鑄嘉

靖年號彭澤撰無書人姓名蘭州府續志藝文中載此說錄以備

覽文曰宋岳鄂國武穆王有曰為將之道智仁信勇嚴缺一不可嗚呼非身有之安能言之親切而有味如此也哉愚以為五者孫武子首篇論為將之道亦然猶所謂性之仁義禮智信而尤重於仁信二者也夫仁總所性之善非信不能有於身如五行金木

甘肅新通志

卷九十二

藝文志 附金石

碑

水火土必資乎土以為生尅之本也然必嚴以律已而不悖理以違法嚴以治心而不縱欲以敗度嚴以齊家而不致子弟僕從之強橫嚴以馭下而不致紀律賞罰之謬乖如此則心正身修而內外一於正矣端本澄源有其地矣臨敵馭眾蓋有不令而行者所謂智仁信勇不一一見之實用也哉若徒嚴刑峻法於發號施令之際而不本之吾心吾身吾家之嚴則可行於暫而不能行之久可及於邇而不能致乎遠可制於寡而不能馭乎眾又豈能盡為將之道也哉然非智則理有未明必不能握機以應變非信則心有未孚必不能令行而禁止非仁則恩未下浹失其親上死長之心非勇則氣不先眾而失身臂手指之使四者又莫先於窮理之智而為料敵制勝之先也莫要於自律之嚴而為四者之本也伊尹有莘一農夫耳五就湯五就桀而彼此不疑放太甲復太甲而始終無議一由深得堯舜精一執中之傳非義非道一介不取祿以天下繫馬千駟不顧故能建此撤天事業全不朽之名百年之壽商君沃丁猶以天子之禮葬之而親臨其喪也武穆少知學尤好左氏春秋文武全才忠孝大節富貴功名一付之儻來而不計其有無者也雖橫罹奸禍而百世企而仰之澤生也晚四十年來夢想神交深切傾慕再遂歸田偶檢昔所編次所謂匪一錄者識及此武穆在天之神不審能一首肯於愚言否也有志名將而欲為王國之楨為三軍司命者幸尙不吝進教云

拂雲樓下詩碑 在皋蘭縣治城內碑二通高共七尺寬俱四尺
律詩各一首一僅存五十二字一存六十一字

按二碑一題三觀明藩致祝無年月款識一題次司馬太恆吳老先生韻兼送之甘缺詩後另行署政罔二字下鐫印章二小者方一寸五分文曰槃石之宗大者方三寸文曰肅藩翰墨亦無年月

夜雨巖碑 在皋蘭縣行書按此碑今已無存續志稱遊人得於
蔓草深處只有夜字完好碑陰鐫肅靖王夜雨巖詩惟秋樹浮殘
月春山泛落花十字可辨餘皆剝落

甘酒石頌 在古浪縣嘉靖壬子刑部郎中恤刑陝西鄆陵文罔
陳斐書序曰古浪城南入峽十五里道左有石與兩山脈趾弗連
屹立突起如崇臺巨屋居人釀酸者剝片熾入酒中即變佳醞因

甘肅新通志

卷九十二

藝文志 附金石

三

名酸酒石余曰酸酒石者酸在酒也因石而得甘是甘者石之功
也乃更名甘酒石古浪窮徼自來寒苦之地而得生養和厚之氣
以噓煦之斯變寒苦而躋仁壽之域詎止一石之甘耶余既書三
大字列於石上且爲之頌曰
維石巖巖厥德則甘甘性溫厚甘體滋涵其堅如珉其白似玉玉鑲天開
標茲奇躅甘施於物五味斯調甘施於化萬類能陶氣協滄消人安物順軍食自充軍威自振天降甘露地普甘霖五郡沾渥干部嘔吟是豈甘酒所甘維政品物呈祥休徵兆慶

文徵明詩碑 在岷州名宦祠廡下係行書大字面背刻七律詩
四首完好無缺其額篆書原跋云乙巳九月詩四首長洲文徵明
書也因岷州字學不傳令曹生伯封模而刻之公署俾士人知取
法焉時嘉靖乙卯春正望日青州遲鳳翔識

按鳳翔時爲洮岷道所云公署卽道署也
國朝同治間回變道署焚光緒初年重修
文廟時紳董始移置

今名宦
祠廡下

王公碑 在甯州河西北坡底係前明瀋府長史進大中大夫王
公立齋神道碑陰文賜進士第南京應天府尹邑人呂夢濱撰賜
進士第登州府知府邑人呂芹谷書文林郎雲南道監察御史邑
人左砥山篆額書撰篆俱佳一時無兩

御史碑 在甯州城北十里鋪爲雲南道監察御史砥山左公神
道碑嘉靖間立石知州事江夏彭冀衡撰四川道監察御史周斯
盛書時人稱爲三絕謂撰與書並本人政績也

關壯繆廟殘碑 在秦安縣碑高丈餘形制甚古石亦堅滑惜字
畫大半剝落年月書撰姓名均無可考大約是宋元間物載之以
俟再考

甘肅新通志 卷九十二 藝文志 附金石 望

侯再考

胡南皮墓碑 在秦安縣嘉靖中建高陵呂柟撰武功康海正書

張淑人墓碑 在秦安縣嘉靖中建三原馬理八分書大字

侯吏部墓碑 在秦安縣嘉靖中建平涼趙時春撰南海霍韜書

河南考城縣知縣齊卿墓碑 在秦安縣嘉靖中建邑人胡纘宗

書徑寸大字

四川保甯府推官張惠墓碑 在秦安縣嘉靖時建胡纘宗正書

舉人丁繼文墓碑 在秦安縣胡纘宗正書有碑陰

蔡隱君墓碑 在秦安縣蓋屋李禹撰

秦州巨鐘 在州西關城樓池北舊有巨鐘因遭兵燹鐘墜草廩中歲久爲土所湮已將多半好古者欲觀其文掘地三尺許全鐘始現字迹完好如新計鐘柄約五寸頂上圓大約九尺五寸身高五尺餘中腰周圍約一丈一尺下口一丈四尺上書萬曆三十八年閏三月二十八日遣分巡道陝西左布政使兼副使前督糧道參政今升陝西都御史崔應祺真定府獲鹿縣人隆慶辛未進士秦州知州胡世蔭同知陳志伊判官王樞訓導吳希參薛居正指揮張世臣

肅藩摹刻淳化閣帖 在皋蘭縣儒學舊縣志謂明肅藩臨淳化帖石共一百四十一塊趙子昂千字文帖石共六塊摹刻精妙字

甘肅新通志

卷九十二

藝文志 附金石

三

內珍焉

國朝康熙己酉臨鞏副使孫際昌得之憲署因出其舊藏淳化帖釋文鏡板今石帖存府儒學世傳銀鈐鐵環形迹宛然但破裂十八塊捐工以革束之尙可觀釋文板六十四塊縣禮吏科收貯又有後跋木刻二十七塊散在民間順治時廣陵陳曼僊漢澤毛香林所補摹也今考此帖自三代至六朝書非一人字非一體故不悉列

跋語附錄備考

明肅憲王跋曰雨粟洩機代傳厥神鐫惟宋擅允爲世珍建國獲授永保慮湮殫精重勒大明萬春

肅王識鉉跋曰我太祖高皇帝分封我莊祖於甘蘭以禦戎羌而錫之以宋人淳化閣帖無亦以文德足以柔遠干羽可以格苗之意與珍藏內庫宏治間我恭王出而臨之仍留內庫至我憲王出而臨之恐我子孫與各王府不徧及且無以公海內乃延溫張二韻士摹勒下石未竟而棄子且囑予以無替於辛酉六月始竣事割牲告成泣然流泣臨閱之際至桓桓尙父一帖於我聖祖之意

有遐思焉夫析薪弗荷謂之不肖子冲年無能恢宏我憲王之盛德大業此一役也不肖之罪庶幾免矣摹勒之功先後七年新舊不爽毫髮具在各跋語不具論論其始末如此云 卽墨周如錦跋此消化真帖也蓋宋爲完顏貯完顏爲蒙古貯皆不能有之高皇帝經營大漠此物得之上都大都遂復爲中華所有是蒙古實爲我皇明貯也元人手跋墨蹟如新其爲宋本無疑則辨才之蘭亭已高皇帝不效唐宗挾殉昭陵而以分賜肅藩肅王又不以鴻寶自祕而出千金重摹搨石用廣其傳是以與天下共貯也貯在天下家珍人璧孰得而竊諸孰得而焚諸殆與天壤可共敝眞善貯哉至臨摹劖劖傳神逼真温伯堅張用之二子附名不朽功賢於蕭員御史遠矣伯堅吳名家子工書其徒張用之工鐫鏤

虹縣詩帖

在省城督署後園碑洞米芾行書共石十塊此帖係

總督那彥成摹刻跋語附錄備考

東坡愛海嶽翁有云元章書如以快劍斫蒲葦無不如意信乎

子徽以來一人而已又云清雄絕俗之文超邁入神之字其稱道如此更無可言所可言者其天資高筆墨工夫到學至於無可學耳歲乙卯九月好問謹書 趙吳興云米海嶽以書學博士召對上問本朝以書名世者凡數人海嶽各以其人對曰蔡京不得筆

甘肅新通志

卷九十二

藝文志 附金石

書

蔡卞得筆而乏逸韻蔡襄勒字沈遼排字黃庭堅描字蘇軾畫字上復問卿書何如對曰臣書刷字蓋言其運筆之迅勁耳今觀虹縣詩帖勁處有柔態迅處有婉致具超塵絕世之概饒神明規矩之奇筆端雲湧如羣帝之驟龍墨氣騰空如滄溟之浴日見者無不動目神驚歎爲莫及宜其當日高自矜許如此康熙五十七年歲次戊戌冬十月長至前二日橫雲山人王鴻緒題 先文成公戎馬倥傯四十餘年晚歲翰墨自娛收藏最多而極得意者此卷退食之暇未嘗一日釋手南宮筆力直接二王昔人推爲宋朝第一而老顛亦復目無餘子此尤其合作眞有龍跳虎卧之概想見其雲雷天矯不可思議世藏及余壽之貞珉卽嵌之自鏡書屋壁間以遺後之好書者道光四年甲申三月朔那彥成誌於蘭山署中

懷素自敘帖

在省城督署後園碑洞

國朝道光四年總督那彥成摹刻跋語附錄備考

按懷素自敘帖世傳有三一在武功蘇子

美家一在蜀中石揚休家一在馮當世家此亦米元章所考記者得以是傳大概矩度相似筆意不同各出一時之興此帖後有隴西印記蓋蜀中所藏者是也且紙墨如新神氣精完當知兵火餘奇今得一觀其幸會也氣量胸次塵垢一洗豁無涯矣翰林承旨

劉熙識又自敘帖余見有二其一字微大而行間略散漫此卷先文成公舊藏雲飛颯舉不可思議而茂密沈著又復端嚴光明字字在人意表而又如出意中公昔愛美寶藏日不去手迨公歿後此物散失後百計尋得以五百金售歸有唐至今幾四千年傳者應不止一手而於余家失而復獲既喜墨寶之不淪更幸世守之不替亟以壽之石垂於不朽兼識其端末以示來茲道光四年甲申又七月之望那彥成書於蘭陽公署之誠訓堂

不窰陵碑 在安化縣城東三里許碑高丈餘大書周祖不窰氏陵按舊志不窰后稷之後值夏德衰亂竄居北幽卽今之慶陽也子鞠陶孫公劉俱歷世爲茲地人

五嶽真形圖石刻樹立鞏昌府城威遠樓中其詳不可考諺云雷奮地出其旁石缺處顯然轟脫一塊此其驗也蓋守土官印信如品字狀能鎮宅驅邪舟行則波平浪靜重五日午時捐者更效

甘肅新通志

卷九十二

藝文志 附金石

墨

响樓山銘 在省城北金山寺禹王廟碑高九尺寬三尺共七十七字禹王書

皇朝續通志响樓禹碑始述於唐韓愈劉禹錫宋嘉定五年何玟手摹其文刻於嶽麓書院凡七十七字明楊慎沈鎰楊時喬各爲釋文今浙江紹興漢陽四川重慶雲南大理安甯摹刻本俱存此碑末署咸豐辛酉酒泉侯建功敬立未敘所摹係何處刻本附識俟考